


松江府志

十六七



漢書門				
二	三	五	三	
四	一	函	號	類
冊	架	函	號	類

內閣文庫			
九	三	五	漢
函	冊	號	書
架	冊	號	類

內閣文庫		
番號	漢	2353
冊數	24 (10)	
函號	232	17



3

松江府志卷之十六

水利

明嘉靖元年工部郎中顏如環督同蘇州知府徐贊松江

知府孔輔蘇州府同知冷宗元等自下界口開浚起至

龍王廟舊江口止其長六千三百三十六丈二尺濶一


丈深一丈二尺又督湖州府同知徐鸞開浚大錢

小梅等港并沿湖七十二澗以通太湖之上流蘇州府

通判孔賢開浚趙屯大盈道謁等浦以通吳淞江之上

流

顏如環議開吳淞江畧吳淞江一帶流至新洋江口
下界浦口二處交會通婁江潮水倒入江內淀積泥沙



又因地勢卑近遂引江水順趨北下併入婁江以致吳
淞江易成淤淺累開復塞或謂此江出海一百餘里相
去婁江不三十里併而出海似爲便易不知此江爲三
江之一與婁江各自通洩當夫旱固可合而爲一及至
水溢則婁江自洩所受之水不暇又安能併吳淞江之
水乎故昔人有言使二江可併爲一則神禹先併之矣
此誠不易之論然而先年累次修浚樂簡易而畏煩難
以致二處淤塞不通詢訪耆老咸謂當於新洋下駕口
各置一閘冬春常閉秋夏淫澇開之以分洩水勢或早
乾開之以通引灌溉庶幾江流常通旱澇有備又看得
下界口濶一十六丈深止四五尺潮勢亦緩造閘無難
其新洋江口濶四丈深一丈五尺潮勢頗大難以作
堰但事體重大費用錢糧數多
必委官勘議停當方可施行

二年工部郎中林文沛督率華亭縣開南橋塘金滙塘官
路港站船浜北璠龍塘南嵩塘官莊涇青村港黃泥漕
尹山涇米市塘共長一萬九千四百九十五丈上海縣

開舊江走馬塘周浦塘站船浜鹽海塘六磊塘共長一
萬六千五百五十丈以洩當湖三泖澱山湖諸水使各
通黃浦吳淞江以入海

巡按御史謝深請修水利疏畧 謹按浙西天目諸山
西來之水皆歸太湖再流入於陽城昆承澱山三泖等
湖其性本皆欲東故神禹相地分流疏其東北入海者
爲婁江東南流者爲東江并淞江爲三江以分洩之自
是不聞有水患後世海塘一築其近江淤泥之地悉成
上田而東江之故道塞矣由是欲使東江之水迤邐北
旋會入淞江而趨下之性遲矣故後人於常熟縣北開
二十四浦疏而導之揚子江又於崑山縣東開一十二
浦分而納之海所以補東江不通之力也又慮潮沙易
淤各於浦口置立板閘潮來則扇之以禦泥沙歲旱亦
扇之以備灌溉又於閘外或設開江之卒或設撩淺之
夫皆所以決壅塞而防汎溢也永樂間尚書夏原吉區
畫經度如開劉家白茅二港甚合古人之法弘治七年
工部侍郎徐貫奉命經理其事有通判姚文灝輔之一

時疏浚之法亦有次第舊制板閘夫卒之設圍岍之築皆未全備是以諸浦之壅塞如故近年雖有帶管僉事官既不專名亦虛設以至水利日廢乞命廷臣計議勅命專理及今秋收之後訪前代疏浚之規為來年水患之備或計各府錢糧空乏容其借取許墅北新等關課鈔支用開諸浦以洩諸湖之水復板閘以嚴啓閉之規立夫卒以繼疏濬之功築圍岍以防橫流之勢雖曰費用浩大然計被災免徵之費孰為多寡從可知矣

四年冬命水利僉事蔡乾浚松江上海張家浜陳村塘馬

家浜舊江青龍江

編修王同祖治水要畧 治水之要其說有三一曰開決三江故道以洩震澤之水二曰浚治諸浦以洩江湖之水三曰疏濬涇港以洩田中之水何謂開決三江故道太湖東入淞江出吳江長橋長橋之水未嘗不通而所以為東吳害者則在下流入海之處淤故積水溢而為沴耳若復決去長橋使湖流浩至而入海之處又復不疾即吳江崑山常熟三縣之地將為深淵此長橋不可盡決利害甚明也東江舊跡在大淞西北為爛路港

澱湖西有急水港白蚬江即東江之西段也澱湖之東有出水港斜瀝口汊港口小漕港大瀝口小瀝口通潮水往來潮退則引湖水下大漕大盈等浦入青龍江而出海皆東江之東段也今諸港皆淺狹壅遏不通潮汐而東江入海之處遂塞議者大率歸咎於黃浦奪權海塘障遏而不知江之通塞亦自有時黃浦海塘未必能為東江害也或以為東江既塞而澱湖之水由干墩等浦北入於淞江殊不知澱湖之水自屬東江其北入於吳淞江者但支流耳遂以為可泄澱湖之水者非也苟能尋東江之舊而疏治之使澱湖所受之水皆得達於東南以入海則淞江可通而數百年之害可去矣何謂浚治諸浦吳郡之地北枕揚子江東通大海西控太湖南襟三江水之發源則自太湖東注三江以入海又其支流北達揚子江以入海故古人於東北沿江海之所浚三十六浦以分三江之勢使同歸於海其常熟之浦二十有四崑山之浦十有二今三十六浦之中入海者惟茜涇七雅白茅楊林為最大入揚子江者惟福山許浦為最大吳淞江之南有大浦三十六條東自北平破江艾祁顧會養蠶大盈南漣梁紇石白分桑趙屯內勳石浦道謁蕭市金龜干墩注浦張潭棠梨同丘諸天張

浦帆歸用直浦里渡頭東齊利刀界浦浮高順德大姚
 破墩盞頭吳淞之北有大浦三十二條東自顧會安亭
 徐公北漣瓦浦三林顧幕金城木瓜下界翕浦廣浦社
 城新洋江馬仁小虞大虞尤涇梁里華祥心瀆樂浦薛
 莊黃瀆真義界浦下里戴墟上顧青丘奉里任浦其在
 江之南者則西受陳湖等水南受澱湖諸水以入吳淞
 江而達於海其在江之北者則西受陽城湖諸水橫絕
 至和塘以入吳淞江而達於海自新洋下界以東則反
 納吳淞江之水以東北趨於劉家港而入海吳淞江迤
 東入海之口其南有浜浦一十九條皆通華亭上海縣
 界其北有浜浦二十二條皆北通嘉定縣界皆近海潮
 汐往來易於漲塞廣者日狹深者日淺惟千墩一浦南
 通澱山湖浦極深濶與下界新洋南北相望水勢相入
 屢經開浚皆為民利今宜沿江相度各浦之通塞使湖
 之水必趨於江而江之水得入於海則郡中東南之水
 定矣何謂疏導涇港蓋圩田四圍皆涇港環繞或傍江
 湖或傍浦塘日涇港者論其槩也涇港之設有公有私
 今則並通舟楫分利水道旱則引其水以溉田潦則決
 田之水以入涇港泄諸江湖浦塘使歸於海其利於農
 田最為切要故凡緊要圍田水道通行開濬使稍深濶

即取其所開之土以修岸塍如是則田間之積水可引
 入涇港涇港通流可散灌於浦塘浦塘決水可疾趨於
 江海大小相資首尾相
 貫又何水之足患乎

王同祖工役計費議 工役計費二事常相須計費足
 則工役舉故今之言治農田水利者莫急於量財蓋工
 役之舉歲歲興修則繁而難行數歲不治則廢而難葺
 故必相其工之大小而為之制開江濬浦以十年為率
 疏決涇港築圩治堰歲歲修補或間歲一葺計費之出
 必量其費之多寡而為之制若開江濬浦疏通涇瀆之
 大者則官為之區畫其築圩修堰及疏決涇港之小者
 則取諸食利佃作之家如此則不煩於公不傷於民矣
 附給事中吳巖工計疏畧 一曰經度財力財力必取
 之民間凡遇工程一槩科斂則未免府縣派之里甲騷
 動鄉村臣以為水利為田而興財力亦必計田而出凡
 有田之家不拘官民每田一畝科錢一文每田一頃科
 錢百文不但積少成多抑且眾輕易舉實為經久之計
 於每歲秋成之時折白銀徵解各府官庫數目造報水
 利官處動支不
 許別官借貸

王同祖治田奏畧 吳中之田高者常畏旱低者常畏澇治高田之法開河蓄水而已治低田之法則非築圩不可是宜依倣古法相地形度水勢畫而為圩高築其畝令內足以圍水圩畝既固則不惟在圩之田可無霖澇之害且湖水不得漫衍而咸歸於塘浦則塘浦之水自然滿盈迅疾可以敵海潮而去浮淤其岡阜之地亦因水勢稍高可引以資灌溉蓋一事興而數利集矣

王同祖論治田法 治田之要有三一曰築畝陸治高田惟在於謹堤防蓄水泉以備亢旱而已低田易沒必藉畝陸以禦之永樂中東南大水命尚書夏忠靖公治之其法常以春初編集民夫修築圩岸取土於附近之田以杵堅築務令牢固復於堤畝之內再幫子畝以廣基謂之抵水畝又令民於畝上種藍不許種豆種藍則土日增而畝高種豆則土隨根去而日削也築畝既訖又令民簞泥填實取土之田俟土乾可復耕種不為廢弛其法密矣為今之計莫若使民於春和之時或取土於田或開濬涇港因土築畝以固基本又須嚴其令緩其期蓋令不嚴則大戶田多者憚於費煩與浮言以阻之小民無力者工役輒簡畧以應之而塘長圩甲

人等又從而科斂誅求夤緣差放弊端百出圩畝未築而民已重困矣故必嚴申禁令若期不緩而欲速無益有損蓋客土雖增高堅築性未相入驟雨一傾大水卒至坍塌隨之矣故必以三年為期而後可一年築基補築木次遍栽菱蒲芡茅使能護畝土本固矣增修加土如法堅築經歲草生土實三年增土植楊向外使根可匝畝待其稍長歲髡其枝恐受風搖動畝善崩也誠如是歲歲令民增土修築畝日堅固功不煩而利可久矣

一曰修壩堰古人制田之法率因水道以正經界曰涇曰漚曰浜曰塘曰浦縱橫曲直大小深淺或通或塞基布井分有圩田之象焉其通也以泄水其塞也以禦水皆使不為田害而已歷歲既久水道寢廢民之習於舟楫專於網罟者皆決堤防以通江湖水勢漫衍田疇日損今圩田之外止通水道之大其諸小小涇浜之類非舟楫往來之道出入必由之處盡行壩堰高與畝等則水不亂行而壞陸畝矣范文正公常論於朝曰江南圍田每一圍方數十里內有河渠外有門閘旱則開閘引江水之利潦則閉閘拒江水之害今亦不能為門閘啓閉但能修壩堰以為隄防其利亦博矣一日分大圩蓋東南水田皆以畝陸為隄防其利亦博矣一日分大圩

謂之圍田皆有字號名色然圩田之置隨地形廣狹水道遠近為之大小一圩之田多或至於二三千畝或少或不及百畝小圩之田民力易集墜圻易完或時遇水則車岸易過水潦易去雖有巨浸莫能為害而大圩之田墜圻既廣備禦難全雨潦衝激東補西塌皆蕩然湮沒矣縱使修舉令民車岸積水然居民有遠近之不同民力有富貧之不一地形有高下之不均故大圩之田遇災不救者十居八九今莫若較田圩之大者取而分之以二三百畝為率因其高下督民取土裹以墜圻則田圩之形成矣或謂分圩必須開河取土因以築圩此固然矣然有田在圩者率皆自愛孰肯捐其所殖以供開河築圻之費今觀大圩之內多有溝洫池澗縱橫布列古人制之所以備旱潦者也宜因而浚其兩旁增築墜圻就以分圩裹田其所不通處則但取土於田以為圩圻不必更開河道仍須令圩田之民共築泥填實取土之田庶幾無偏損也其圩內無溝洫之屬或雖有一二而不足以供分圩者則圩田中傍界圻築為徑墜或畫十字形或廿字形或三十字形或井字形各隨田之多寡為率如此則取土甚便為力甚易不必開河費田而圩圻修矣

大理寺丞周鳴鳳條議水利畧臣惟東南之患賦稅為難其病實在於水利謹條陳二事一曰復專官以圖責成臣惟府州縣正官職守繁重治農佐貳專權既輕必須專官督理查復弘治年間事例或照姚文灝主事一員或照傅潮郎中一員或照謝琛副使一員專一督理仍乞特勅巡撫應天等府都御史加意提督復乞查照都御史俞諫事例簡命素有才望大臣一員前去督理假以事權寬其期限務令着實興修果有成效方許回京復命二曰疏海口以導下流臣惟治水之法必下流通利為先近歲尚書李克嗣濬吳淞江達下界浦以入海又濬白茅港以入海而白茅之水尤為駛急實惟吳中之利但工程甫畢海潮驟至原留海口堰壩一時開浚不及數年以來渾潮日淀積有淤沙橫障海口以致上流勢緩日漸阻窒必須設法疏浚仍查撥蕩河等項夫役修復隨潮掃滌撩淺之法務使海口常通則吳中水患自少又濬支河以修圩圻疏畧臣惟吳中之田近湖沿江地皆卑下平時積水已多一遇久雨眾水畢集常有水患近山沿海地皆高阜不能引江湖之水以資灌溉常有旱災昔人治高田之法有塘有澗凡瀦水以灌

田者皆是也其治低田之法則遠田四圍築防謂之圩
 圩者圍也內以圍田外以圍水蓋低鄉支河之水容受
 衆流比田反高若非圩圻以圍之則蕩然巨浸遂不可
 田故低田賴圩圻甚於都邑之賴城池也吳中賦稅歲
 多逋負固由災傷亦由人力未盡正謂濬支河修圩圻
 是也近歲既濬吳淞白茅以洩震澤之水爲今之必
 須開濬支河積淤之土因以修築舊圩之圩圻務令
 堅實高厚足禦湍急之流實今日水利第一切務也
 又疏畧 吳中水利固惟濬支河修圩圻爲急究其本
 原則支河淤塞由圩圻塌圻圻塌由人力怠惰而
 怠惰之弊其故有三小民一遭水潦困於工力難繼大
 戶田連阡陌病於顧理不周間有小民佃種大戶之田
 則在小民原非已業在大戶止圖收租彼此耽誤更不
 葺理今欲興修水利必先飭情勸民若使夫役不均益
 滋民害合無一應築圩夫役但係工程簡易者就令本
 圩有田得利人戶不分官民一體計畝起撥若工程浩
 大必須通融處置者官爲僱募小民應役亦不得尅減
 工價以致負累其勢豪之家假借開河名色索計夫役
 以便私圖或因因而賣放營利及與在官
 人等包攬作弊者聽督理官指實叅究

十三年巡按御史呂光洵請修水利

疏畧 一曰廣疏濬濬以備潴泄蓋三吳之地古稱澤國
 其西南受太湖諸水形勢尤卑而東北際海岡隴之地
 視西南特高大抵高者其田常苦旱卑者其田常苦澇
 昔人於下流之地疏爲塘浦導諸湖之水由北以入於
 江由東以入於海而又引江潮流行於岡隴之外是以
 潴洩有法而水旱皆不爲患近來縱浦橫塘多壅塞不
 治惟二江頗通一曰黃浦一曰劉家河然太湖諸水源
 多而勢盛一江不足以洩之而岡隴支河又多壅絕無
 以資灌溉於是高下俱病而歲常告災臣謂治之之法
 當自要害者始宜先治濬山等處一帶菱蘆之地導引
 太湖之水散入陽城昆承三泖等湖又開吳淞江并大
 石趙屯等浦泄濬山之水以達於海濬白茅港并鮎魚
 口等處泄昆承之水以注於江開七浦益鐵等塘泄陽
 城之水以達於江又導田間之水悉入於小浦小浦之
 水悉入於大浦使流者皆有所歸而潴者皆有所洩則
 下流之地治而滂無所憂矣於是乃濬艾祁通波以溉
 青浦濬顧浦吳塘以溉嘉善 五等浦以溉崑山之
 東濬許浦等塘以溉常熟之北濬滅村等港以溉金壇

濬澡港等河以溉武進凡岡隴支河壅塞不治者皆濬之深廣使復其舊則上流之地亦治而旱無所憂矣此三吳水利之經也一日復板閘以防淤澱河浦之水皆自平原流入江海水漫而潮急沙隨浪湧其勢易淤昔人權其便宜去江海十餘里或七八里夾流而為閘平時隨潮啓閉以禦淤沙歲旱則閉而不啓以蓄其流歲澇則啓而不閉以宣其溢志稱置閘有三利益謂此也然多堙廢惟常熟縣福山閘尚存臣訪諸故老皆以為河浦入海之地皆宜置閘然後可以久而不壅一日量緩急以處工費往歲凡有興作皆併役於一時是以功未成而財力告匱今宜倣宋臣范仲淹以官糧募饑民修水利法行令有司查審應賑人數籍其老病無力者為一等壯健有力者為一等無力者日給米一升聽其自便有力者日給米三升就令開浚各造冊查考則官不徒費民不徒勞所謂一舉而兩利者也以後年分每於冬日募民興作次年二月而罷其費用或取之贓贖大約三年而止通計所費不過二三十萬而水利大治矣一口重委任以責成功先朝大臣奉命經理吳中者凡數十餘人惟正統間巡撫侍郎周忱功効最著吳民至今思之亦先朝委任特專而歷年又久故忱得以盡

行其志近遣大臣疏治多欲以歲月成功故雖賢者亦不暇為國遠慮臣願申明先朝委任周忱事例特勅撫臣務為長久之計凡一應錢糧夫役與疏治經畧之宜工程緩急之序聽其以便宜從事而責其成功其府州縣有司官員凡遇陞遷行取給由者皆必考其水利有効方許離任其遷延玩愒及處置乖方費財債事者仍聽臣等隨事糾治以懲不恪如是則事有定規人有定志而成功可期矣此治水之要也

又水利工計議 一日估計土方之則查得先年開濬吳淞江事例每土四面深濶各一丈曰一方約計二十工每夫工食銀五錢似為太多今當少加節縮每方須工食銀四錢十方則該銀四兩積而至於百千萬方亦皆如此估計姑以一里較之若面濶十丈底濶六丈上濶下狹折而算之實該八丈每方一丈合用人夫一十六工一帶八方則該人夫一百二十八工一里則該土一千七百二十八方合用人夫二萬七千六百八十八工動支工食銀六百八十九兩二錢十里則該土一萬七千二百八十方合用人夫二十九萬六千八百八十八工動支工食銀六千八百九十二兩百七十六萬八千八百七萬二千八百方合用人夫二百七十六萬八千八百

工動支工食銀六萬八千九百二十兩設使其濶倍之則其人夫工食亦當倍之是爲銀一十三萬六千五百四十兩夫費此以開百里之河其利於兩旁之田當不下億萬畝若能宜防不怠則永無旱澇之虞歲享豐穰之獲而丈量驗派則又不可無法也蓋土之爲方凡當河底者必深近河峴者必淺淺深難於牽折驗派難於均平則須每方一帶之中通力合作務令深淺均攤又民之負土河有濶狹而路之遠近隨之往返之間近者便而遠者艱難以槩論則須差爲等級如河濶十丈者每方派夫一十六工若濶十五丈者則加以一工二十丈者則加以二工以次第加大約以三十丈爲率則所加至四工而止設更有濶於此者亦當如數加之寧使民有餘力毋使土有餘工可也其或民有勤惰勤者未及限而完工其應得上食必盡給之而勿減踰限而不完者非惟不得加必治而去之則惰者不得以亂群矣至於開挑之法務在遠堆新土但役夫自河底負擔而上遠堆尤難愚意每帶兩旁各造木車三乘如方盤之式駕以四輪大約每乘可載土十擔使二人挽之則一車可當十夫土去遠而民力省矣若其工食則比諸役人當少加蓋彼寡而此多其用力不少無勞逸之殊也

二日召募夫役之方頻年以來三吳旱澇相仍饑饉荐至小民固極凋瘵大戶亦漸衰微若欲論田起夫則田多者難於應酬田少者苦於擾害若欲挨戶編役則丁富者或能取足家貧者何以勾補莫若倣雇募賑饑之法而行之各府州縣凡有關係於水利者先令擘畫措置錢糧已完計費已足然後量河渠之大小定土方之深濶料灘峴之遠近爲夫役之多寡先期明示曉諭每都每畝限各開報官爲雇募假如一畝十甲每甲報夫二名通畝該大二十名卽以蘇州合府計之一州七縣爲里三千八百七十有六是爲三千八百七十六畝應出夫七萬七千五百二十名每夫用力一月而罷是爲二百三十二萬五千六百工可開河一百里兩月而罷則爲四百六十五萬一千二百工可開河二百里三月而罷則爲六百九十七萬六千八百工可開河三百里以此夫工總而合之何大河之足慮析而散之何幹河之足憂哉其又因貧赴召者則不拘多寡亦於各該都畝編管或衛所應役軍丁就令千百戶鈐束與民丁一體差用並須擇精壯汰老弱每夫十名或二十名取兵各該都畝糧塘里老不扶其結一紙又須每名官給竹木小牌一面其一面填寫某府州縣委官某夫長某部

下人夫某一面填寫本管州縣字樣下用掌印官火烙
 花押以便稽考行令各該掌印官并治農官點齊押赴
 工所於是于耆塘人等中擇信實強幹者立為千長百
 長委才能丞簿典史巡檢大使或納粟陰陽典膳引禮
 省祭等官以分督之庶幾有所統攝而逃竄匿之弊
 可免也然召募之法各須附近宜令各府州縣將應募
 夫役銀兩各該掌印官自行附近雇募所不足者加工
 抵補則彼出銀而民免跋涉之勞此得民而事有底績
 之望誠兩便之策也然大眾烏合難保無虞必頻次舍
 置井竈時作止禁暴虐薪芻並給醫藥有備設有不
 幸而死者又必為之堊埋而厚恤其家則百姓樂於趨赴
 非惟可以成大功而東南亦可以無饑民矣若夫經久
 之計則必倣前代撈清開江之制及復主政姚公舉人
 秦慶請置導河之夫每年於均徭內撥用其土著之民
 專習淘搜之事免其別差著為定令又須於沿江沿浦
 之處置為舖舍若運河之淺舖或募貧民之壯健者每
 舖或五人或十人給以導河夫銀令其以時葺理且視
 有附近荒田與之開墾官給耕具種穀使有恒業可居
 而守則江浦永無淤塞之患矣三日給散糧餼之規必
 須將應用錢糧攢聚一處擇委廉能府佐一員掌之計

河派夫計夫給餉遵照先年開浚白茅事例每工給銀
 二分五釐若凶年穀貴則每工給米一升給銀二分使
 可足用其銀米府佐給之丞簿等官丞簿等官給之千
 長千長分給百長百長零散各夫或五日或十日一次
 關支每遇將散之日預令丞簿等官各赴各掌收錢糧
 官處計夫數之多寡每夫長給關防號票一張上開夫
 長某部下原管人夫若干逃亡疾病若干今查見在若
 干應該支工食銀米若干領散各夫長執照臨期憑票
 關支關支既訖又須丞簿等官監臨各長隨數分封以
 憑府佐不測稱驗先期給與令可預備薪米設有尅減
 挿和者嚴加究治計贓賠補其銀每兩須加耗三分米
 每石須加耗三升抵補虧折舉行如是則人人沾惠無
 不均之嘆矣四日督責考驗之法切照先年開浚吳淞
 江事例每夫一萬名選委精強府佐一員為巡視官凡
 夫長所管夫役各令該管丞簿等官用千字文照數編
 號簿記每日辰時各夫長照依原分字號每十名用字
 一個如天一起至天十止寫在面上候巡視官至挨號
 排立以便查點仍用水牌一面大書夫長姓名該管人
 夫若干共幾字號豎立旗竿一根懸牌在上其旗色百
 長用藍千長用黃上寫各長姓名以便趨赴即工之日

與民約信假如每方派夫二名則以八日爲限每方派夫四名則以四日爲限積而上之皆如此限有踰限者則本夫重加鞭箠號令示衆而百長千長至丞簿等官亦皆與有責焉非大寒暑不休息非大風雨不更期又須置循環簿二扇紀其陰晴以稽作輟經始之時隨所開河身淺深樹木爲的工畢之日量河底濶狹用滾木一根以索挽之循河而往稍有窒礙卽加究治罰其再行開挑勿給工食決壩之後拔去的木復以鐵足木鵝浮於水面驗其淺深其制大河深一丈二尺餘河深一丈枝河深八尺隨流而下稍遇淺淤必卽傾仆於是計其淺淤丈尺之數於百長千長名下追其工食而丞簿等官亦計贓以枉法論其有勵精圖効者夫長則勞以花紅優其禮遇丞簿等官則加以旌獎陞其品秩則偷惰者無所容而勵精者益勸矣大抵考驗百夫在百長考驗百長在千長考驗千長在丞簿等官考驗丞簿等官在府佐而守令則兼之也五曰催徵會計之條嘗考往歲興修其出銀之法皆臨時取辦艱難百端今須先事儲財量財制役凡一應無礙錢糧貯積待用有司不得別項支銷設有不足則當因時制宜明白開奏或取諸存留餘米如周文襄公國初舊額或折銀解運如嘉

靖十年恩詔事例則耗贈所減亦當數十萬矣此所謂經費也

又議修圩圩以防橫流疏畧四府最居東南下流而蘇松又居常鎮下流其水易滯而難泄雖導河濬浦引注於江海而每遇秋霖汎漲風濤相薄則河浦之水逆行田間衝蓄爲患宋轉運使王純臣嘗令蘇湖作田墜禦水民甚便之而司農丞郝亶亦云治河以治田爲本臣嘗詢問故老以爲二三十年以前民間足食無事歲時得因其餘力營治圩圩而田益完美近年空乏勤苦救死不贍不暇修繕故田圩漸壞而歲多水災宜令民間每歲農隙各出其力以治圩圩高則田自固雖有霖潦不能爲害且足以制諸湖之水不得漫行而咸歸于河浦則不待決泄自然湍流而岡隴之地亦因江水稍高又得畎引以資灌溉蓋不但利于低田而已又水利考松江爲蘇州下流去海甚近北截於吳淞江而西南有澱湖當湖金銀青白蕩漾諸水聯絡環繞皆源於太湖而委之三泖三泖一曰圓泖一曰大泖一曰長泖旁醴爲數渠自澱湖北出爲趙屯浦逕望湖涇至胥溝分流爲內助浦爲會仙浦爲古盤浦爲南漚浦爲梁紇浦並入於江又東出爲大盈浦逕南漕港絕橫

泖合北漕港由新河會於青龍江白鶴江入於江又西出為大石浦北逕崑山之道謁浦干墩浦入於江圓泖則東出為橫山塘過沈涇塘北折至通波塘由顧會浦分流為艾祁浦為崧子浦入於江大泖則東出為漕浜又東出為走馬塘並北折而東為七里涇由通波塘入於江又東出為石湖塘歷東西山涇合秀州塘北流從通波塘入於江此並華亭青浦二境自西迤北入江之水也長泖則東出斜塘為黃潦涇又東流為瓜涇塘為詹家匯北折為黃浦為范家浜二百五十餘里合於江逕南踰口入於海又東出為歸涇塘為胥浦塘並東江至掘捷涇入於黃浦又東出為漚瀆塘合於胥浦入於黃潦涇此並華亭西境迤南入浦之水也浦於湖泖其所宣泄視他浦最為要害往時東江浚利其分流入黃潦涇抵詹家匯不能至黃浦至南折奔注東江入海甚徑易自東江填滅諸水皆屈流入黃浦勢頗紆緩浦之廣深僅半松江逮永樂初夏忠靖公原吉以松江於塞頗多施功甚難乃開崑山之下界浦嘉定之顧浦掣太湖之水入劉家港又以黃浦為通江要道度其旁有范家浜至南踰口可逕入海乃濬令廣深上屬黃浦於是水勢遂不復東注松江而盡縱諸水以入浦浦勢自是

數倍於松江矣今考其入浦之水自李增滙分枝者則有若南錢塘官紹塘米市塘南俞塘鹽鐵塘北俞塘河涇駟馬塘六磊塘東溝新村塘吳店塘身泥涇華漕港龍華港蒲滙塘諸水此並華亭上海二境自南迤北而東入於浦者也自界涇橫泖分枝者則有若高蔣涇顧胥塘前後岡塘上下橫涇方西塘淺沙塘金滙塘閘港下沙浦益鐵塘都臺浦沈莊塘周浦塘三林塘黃溜灘馬家浜陳村塘諸水此並華亭上海二境自南迤北而西入於浦者也其盤龍塘沙岡塘竹岡塘橫瀝塘新涇諸水則又二境之間自南至北達於浦而通於江者也夫浦勢湍悍入海徑易議者以為可補東江之闕又以為淞江浚則太湖之水盡決而東南境內受水多必汎濫為害若松江既濬宜急復東江故道使水勢竒分則三郡宜皆有益或又以東江通則鹹潮溢而近江之田復為斥鹵之壤矣通東江不利其言如此雖未必盡是亦並為論次庶夫計議者有攷驗焉

隆慶四年巡撫都御史海瑞開吳淞江白茅港借支軍餉

及各處發追稻穀贖罰導河夫無礙等銀委本府同知

黃成樂上海縣知縣張嶺刻期開濬查勘舊蹟共計長一萬一千五百七十一丈濶三十餘丈議半開河面一十五丈除嘉定應濬外上海實開長六千五百三十一丈八尺餘面濶一十五丈底濶七丈五尺深一丈五尺六寸餘計用工食銀五萬餘兩不兩月告成是歲大饑民多思盜自河工興而畚鍤雲集盜因以息

海瑞治吳淞江疏畧 吳淞江盡洩太湖之水由黃浦入海近年以來水利官曠職不修撫按亦不留心潮泥日積填淤太湖因之奔湧夫吳淞江一水國計所需民生攸賴修之舉之其可一日緩耶臣於舊歲十二月巡歷上海縣親行相視旋委上海縣知縣張嶺率領沿江住居父老按行故道量得淤塞當濬地長該一萬四千三百三十七丈二尺原江面濶三十丈今議開十五丈計該用工銀七萬六千一百二兩二錢九分今二麥未

佈方春正月米每石價銀已八錢五分矣饑民動以千百告求賑濟臣已計將節年蕙河夫銀臣本衙門贓罰銀兩各倉儲米穀并溧陽縣鄉官史際義出賑濟穀二萬石率此告濟饑民按工給與銀穀於今正月初三日按江故道興工挑濬委松江同知黃成樂督率上海縣知縣張嶺嘉定縣知縣邵一本分理興工之中兼行賑濟但工程浩大銀兩不敷饑饉頻仍變故叵測官儲民積計至二月間盡矣江南四面皆荒湖廣江西雖有收成府縣又執行閉糴無從取米伏望軫念民饑當卹吳淞江水道國計所關勅下該部酌議量留蘇松常三府漕糧二十萬石准照前旨銀數改折凡應天等十一府州縣庫貯不拘各院道諸臣項下無礙贓罰銀兩聽臣調用浙江杭嘉湖三府與蘇松常三府共此太湖之水吳淞江開則六府均蒙其利塞則六府同受其害其庫藏銀亦如應天等府一例取用彼處饑民亦聽河工就食吳淞借饑民之力而故道可通民借銀米之需而荒歉有濟一事兩利地方不勝幸甚

萬曆三年華亭縣修築捍海諸塘

大學士徐階記畧曰華亭縣故有捍海塘按志塘築於開元元年縣創於天寶十年則塘固先縣而築矣豈塘成之後海水既不闌入而江湖之水又藉以停蓄故耕者獲其利日富日蕃而縣因以建歟萬曆三年夏五月晦海大風鼓濤山立怒號而西注敗塘於滌闕於白沙漂沒廬舍百十區潮乘其缺日再入流溢四境潮味鹹所過禾麥豆蔬立槁適歲旱民不得灌溉太守西蜀王侯以修瞿然曰災若此吾曷敢寧居亟檄知縣事南海楊君瑞雲往視楊君冒盛夏暑循海行二百里具得其狀以白王侯侯首議修築費巨無所給或謂民可役也巡按侍御姚江邵公陞曰吁華亭人疲矣吾奚忍益之亟出贖金五百兩俾侯經始巡撫中丞永豐宋公儀望聞之曰俞吾保釐茲土固惟莫又之求出贖金三百督鹽侍御真定王公藻曰天子使吾問民利害別吾煎海之民環塘而居者千萬計其可無時舉出贖金百侯亦出贖金二百及河夫之值二百六十召徒役具器用囊糗船粟率楊君齋禱而從事於是整飭兵備東甌王公叔杲爲設禁令陳賞罰擇典史林國惠千戶李國美百戶濮文卿使董厥工畚築日奮塘亟告成長八百五十丈有奇高厚各一丈五尺趾加厚二丈川原底寧行其上

者若坦途耕於其內者若倚平岡不復虞鹽潮之入也胥拜且言曰非諸君子之力其曷能有此請予記成事予嘗論古君子聞民之災必相與動色怛中畢力而爲之救後之爲政者勞率避而不肯爲功率倡而莫之和今觀諸君子信可謂協於爲民矣遂諾而記諸石

徐文貞階與撫院論水利書畧 凡言水利者大率二端蓄與泄是也而所謂蓄泄有大蓄泄焉有小蓄泄焉大泄者以海爲壑鑿白茅諸港吳淞諸江瀟江湖之水而注之尾閘也大蓄者去江湖之淤澱使足以受支河之水也小泄者以近田之支河爲壑導田間之水而注其中也小蓄者疏浚支河使足以受田間之水也夫專意於泄於救潦可矣卽不幸五六月間復如去歲之不一雨何以濟之不若致力於蓄則旱旣足以救而潦亦有不容而不爲害也蓄泄之大者其勢用財力必多未易猝舉今姑治其小則莫若修築圩峴然亦不可槩云修築而已敝邑之田東西二鄉高下迥絕東鄉本不苦水峴高則車救愈勞當令各以修築之力疏濬支河爲蓄水之計仍遠徙其泥母俾復壅西鄉圩峴在所必築而艱於得土亦當督令浚河因取塗泥附之舊峴築而加

高廣焉庶財力不虛費而旱潦有備也

萬曆六年御史林應訓督知府閻邦寧浚大川六支流四十七港浜之小者九十有一求圩岍之故迹盡修築之

踰年乃成作水利圩圖

徐文貞公階有序

林應訓開江工費疏畧今日最要者在蘇郡莫先於吳淞江而吳江其來源也在松郡莫先於黃浦而山涇港秀州諸塘其來源也太湖入海其道有三東北由劉家河入海即古婁江東南由大黃浦入海即古東江其中為吳淞江經崑山嘉定上海青浦四縣界入海乃太湖之正脉比之河浦尤為要害今河浦皆通而中江獨塞者蓋江水之流與海潮遇海潮渾濁來則洶湧其勢莫禦去則遲緩其泥易淀所賴江水迅駛而衝滌之耳劉家河獨受巴陽諸河之水又有新洋江下界浦諸水從旁注之黃浦總會杭嘉二郡之水又有澱山泖蕩諸水從上灌之是以流皆清駛足以敵潮雖有渾濁不能淤也惟吳淞江不然其源出於長橋石塘之下經龐山

湖九里湖而入今長橋石塘二處則涇塞矣龐山九里二湖則灘漲矣其來已微又其中為新洋江下界浦等處掣其水以入劉家河其勢益弱其與潮遇也安能勝其洶湧而滌其濁流耶前任巡撫海瑞破群議開之幾八十里遂使兩旁居民漸歸故土積荒之地近皆播種人至今尸祝之臣今看得白艾祁至崑山漫水港六十餘里急當開濬覆經丈計土方實該工食銀四萬五千七百三十九兩有奇此江一開則太湖之水直入於海歲或淋澇可免汎溢而就中傍江湖渠得以引流溉田將來青浦等一帶積荒之區俱可墾種成熟矣黃浦西南受杭嘉二郡之水西北受澱泖諸蕩之水總會於浦入海方今黃浦洪流滔滔無容議矣夫江自江浦自浦如人兩足各無疾痛則各自伸縮原不相妨今懼江之開而浦之塞者是必入浦之路有所礙也若自澱山河分流入浦一帶涇港凡有淤淺併為疏濬則兩利俱存矣臣今看得自黃浦橫潦涇經秀州塘入南泖至山涇港等處急應開浚覆經丈計土方實該工銀三萬六千一百一十餘兩此河一開則雲間西來之水無所阻滯而黃浦之流為益快田間溝洫皆可旁達以資灌溉之澤矣

陸文定樹聲論水利書 竊聞之先猷謂治水之大要有二曰蓄曰洩非蓄無以防旱非洩無以禦潦蓋旱則資蓄以灌輸潦則資洩以疏導非獨有洩而無蓄也故三吳謂之澤國澤者水所鍾也如主於治潦欲一決而洩之不幾於因噎而廢食乎今吳江而下浦港支渠分流而東者謂之西水西水盛則海潮不能駕越邇緣支河淺溢西水之來者微緩海潮之至者湍迅故潮至則勢急而退速潮去則沙留而易凝退速則無灌輸之實易凝則多淤澱之虞所謂水鹹泥濁者此也今所慮者潮沙日積河身漸仰其於蓄洩不無兩妨論者謂吳江長橋之水迤邐而東由浦港支渠分流放於海猶之自咽喉而達胸腹腸胃以下注尾閘者也如令咽喉哽噎胸腹腸胃壅塞則尾閘雖通而津液不注關隔且將不利矣故浦港支河尤宜濬治務令深下則停蓄流通無所壅塞遇潦則水藉以容納而不至於漫延遇旱則水得以車戽而不苦於乾曠此兩利之道也若田間水道責令田戶各加疏浚又不待言矣

十年松江通判劉師召開濬奉賢黃泥白龍百曲新港白

蓮三林走馬虬江等河修築澱泖黃浦等處隄岍

二十八年知府許維新開浚府城市河松郡近海潮汐往來泥沙易淤而城市尤甚兼以居民侵占河道日隘間有疏治旋即壅塞維新銳意興復特委上海縣典史龐尚鴻經理其役凡勢家占造水橋河房悉皆撤去東西兩關直河南北岍拓復故迹一丈有奇初衆議難之尚鴻不畏強禦三月而竣河道既通貨艦鱗集衆沾其利至于編工計程不役塘長造船運土棄之廢地隨濬而

畢尤爲良法

郡人許樂善有碑記

三十六年巡撫周孔教檄修圩岍

修築圩畝公移 水患異常圩埂盡決赴此水涸之時若不亟為修治則年來水發內外流通車戽難施無復種作之期矣其出粟出力之方畫圩分築之法誠恐縣官視為可緩田主吝於出粟遷延誤事為害非細相應申飭各屬掌印官俱要停止詞訟輕輿寡從自備蔬食逐一躬詣田間要見通縣其圩若干某圩原埂長若干丈濶若干丈高若干丈今被衝壞若干丈計該增濶若干高若干長若干每丈用工若干費銀若干估計派定照冊某人田若干畝計畝起工明開某人該工若干大書告示張掛本畝本鄉公衆處所隨於本圩中擇有身家善良二人克為圩長令其朝夕督工不許生事科派縣官周環巡視其工力浩繁民力不支者酌量大小哀筭多寡或請給稻米以明勸率或請借官帑以資力本務要人各協心工必堅固庶水至得以防護水退可以車救圩長大戶人等如勤劬効力盡心任事工程能固報完能先事畢之日酌量工力或給冠帶或賜扁獎縣官悉心經理速有成績即係荒政修舉定當首錄倘不以實心任事止於虛文塞責決不以體面姑息也

又濬築河圩公移 各屬掌印官督行水利官前去所轄境內躬親料理如畝塍之卑薄者作速修築河渠之

淺澀者作速疏通工程小者起集得利人夫工程大者議動官銀協助掘河中之土築傍河之畝則河既深通畝又堅固一舉兩得遇旱可資灌溉遇潦可備蓄洩兩利俱存此係民瘼所關三吳第一要務文到即時舉行

一定水鄉圩畝之式 高鄉田地以河渠為命脈低鄉田地以堤畝為命脈而圍畝畝畝二者兼舉則早潦有備大凡田之週遭際水處沿河築畝中為圩田小者數十畝大至數千畝名曰一圩所為圩畝是也或通人烟往來又名官塘但地形不平惟水最平一圩之中必有稍高稍低之處又有最高最低之處而水性就下必就低處若無戩畝則高處常涸低處常溢一圩自分旱潦矣必用戩畝以分之戩者隔別彼此之名圩畝外拒內攔勢如城郭當以堅厚為主其厚薄視圩畝之高低而高低隨地形之卑亢須詳稽潦時水勢令圩畝高出二尺則可無虞矣大約濱大河處高以丈許為率傍內河處高以五六尺為率高一丈者基濶二丈高五尺者基濶一丈但圩之四圍當如一轍若四圍皆高而一方獨低則全圩皆屬無用矣又若四圍皆堅而一方獨瑕則全圩終被滄沒矣然畝基所占之土亦非盡置之無用如高一丈者頂面止濶四五尺其內副畝可濶一丈

而副畝視頂面約低二三尺以其毘輔外畝故名副畝俗曰畹塌又名頂頭可種菜豆諸雜種是畝基二丈實拚廢一丈地耳至畝畝但界田間之水不必太高太厚其高約與副畝等如畝畝高五尺岸頂濶半之基與高等而畝頂不係人畜行走處或可種豆此土大都屬之無用矣民間惜地不肯分立畝畝者以此不思水發時若有畝畝萬一大圍潰壞纜及一畝則鄰畝尚保無虞且浸止一畝眾方可屏此家自為守之良法也又地形差別有合眾小圩或包裹溝渠數十而為一大圍者其圩畝尤宜高厚但圩畝與官塘頂面論法當不在起科之數一定督率圩工之法凡低鄉修圩畝之法與濬河不同當先別工程之難易次合一圩而齊舉要在督率有方視河工較易為力也夫畝壞必被滄沒不待智者始知之而往往任其傾頽不急修築者只為利害全圩相關人情最難齊一假如一圩千畝不下數十家若一家圩畝圯壞則全圩堅好之畝總歸無益其間貧富相持彼此觀望非藉官府驅率豈能使之一體修完且圩畝一周止是利賴一圩之田非若河流資漑可槩派一畝一區也法當將該圩四圍丈量明白計岸若干如圩田千畝計畝一千二百丈每畝應派築一丈二尺


矣此論五年一修築則然其年年修補罅漏增葺頂面在沿畝人戶自宜任之其為力亦甚易也畝畝修築亦準此例其三年修築之法塘長該年會同本圩人戶沿圩踏勘虧完約用民力一日者為一工用竹籤插記每十工為一段編作某字號釘一夫樁而夫樁之內但計工力不計圩畝丈尺次將合圩田畝均算明白照畝派工每工亦以五升為率其工冊工單查比給米悉與河工相同官府止於勘工造冊時召該區糧長該年酌量該圩地形水勢定一圩畝畝高厚薄式樣載入冊內務要合圩一轍而圩工丈量又不若河工之難但持二竿豎立畝之兩邊并以一竿架測畝基并量畝頂則舉目瞭然矣若係往來通途為一方所利賴者名曰大工當用一區工力為之又有水中央突起無基而成或兩水相夾易於浸倒者須用木樁竹笆甚則必用石剥方可成功先酌民力有不足者佐以官帑名曰煩難大工凡係大工法當五年一輪如每畝十甲每年只以二甲應役相為循環官甲固戶有田百畝每年只以二十畝應役五年自為循環而每年所派築圩工食亦以每畝二升為止因水鄉本圩之內自有年年小修五年大修之圩役也一定修圩畝之時凡圩工不獨用農畢

餘力又要避雨雪水凍之日如係平地挑築須於十月未凍時興工先築一半承受殘冬初春雨雪上自壓實到明年二三月再築一半其堅可恃未有一頓堆高可耐久遠者而築基猶須堅實如岍高一丈其下五尺須分作十次加土每次加土五寸杵築一次其下五尺分作五次加土每次加土一尺杵築一次其他岍岸戲岍若每歲之小修須在二三月冰泮凍解時名曰燕子泥土膏發動最易粘聯一人用鐵搭撈取田中濕泥補岍一人持大木敲實便與老岍合縫可備一年之淋漓衝塌矣若非年年修補一隙終成漏竇日久潰裂斷所不免也

又禁包攬公移 水利興廢以備曠溢蓄洩所關農務綦重要在高鄉各浚溝渠使之深以禦旱低鄉各修岍岍使之堅以救水惟是役不離鄉民各自便為善不意一種市棍號曰泥頭慣與奸胥朋謀蠶食先將各區各岍雜派編役以開包攬之門如高鄉塘長派低低鄉塘長派高一時東西奔走不支無可如何勢不得不致泥頭包攬在泥頭一攬得銀輒與胥役分受嘻嘻不顧公事間一剷去岸草增高樣墩自以為開河而河塞如故


間一撈起淤泥畧塗岍面自以為築圩而圩壞如故甚至一墩而今年築明年又築終於不築一溝而今年開明年又開終於不開總之利歸於奸胥害積於地方今行該府縣將各區岍細造書冊不拘高鄉低鄉逐項開載本岍附近某大河某官塘本岍某港某圩岍不問靠塘腹裏一體分段應各業戶自照田畝開若干底面深廣若干一一具冊一留本府一解院道永不許奸胥撥派動搖并豪家借用塘長以致紊亂庶包役夫銀永永不乾沒於塘長不垂涎於積棍如有積棍假泥頭為名包攬誤工者照例問遣大指各就本鄉物力與本鄉水利必無使神奸侵牟以致乍行乍止有名無實至於城郭市河與城濠運泥亦應核實導河官銀或派居民沿門各自疏浚決不可以小小荒度聽奸胥派亂妄編滋弊無已

詳行華亭知縣聶紹昌濬築成規并工冊工單式一定每年一役之法如華亭縣有八十區區管數岍共計六百餘畝區有塘長職在督率該年任一區之水利畝有該年職在督率細戶任一畝之水利其法每年輪一人主之八月上役及期而代此常規也往年之弊坐在法無畫一或差或停任意行止或輕或重任意派撥於



是奸胥窟穴其中塘長該年之精神不用之濬築而用之布置百姓之脂膏不盡之於河圩而盡之使費此一大弊也今將各區水利酌其緩急劑量輕重分爲五工每年定興一工週而復始法既畫一力亦均平巧無倖免拙無獨勞而年年有實濬之河渠實修之圩岍矣一定工不出區之法今之神奸利於亂撥塘長者不獨淆亂派法那移影射役使不均而名曰槩縣通融實則丁不着役蓋塘長止是一人該年亦不過數人驅而或東或西無難供命也而塘長該年所統率之細戶一畝不下百人一區不下千人小民朝夕營生不離場畝豈能群數百千人供役於數十里之外勢不得不搜括囊橐以就泥頭之包攬惟易畚鍤春杵而爲銀錢粟米於是百孔千竇從此而出今定爲工不出區之法家家戶戶使可含哺餒而事畚鍤率妻孥以相春杵冬春之交農事未興民間工力乃其所饒且各自濬其灌溉之河渠而自築其防禦之隄岍民雖至愚亦當倍奮矣一定冬月興工之法往年役法混淆則撥派有利胥徒喜於有事需索百端塘長利於奔走今法既畫一但有拮据之勞絕無乾沒之竇惟有一味壓捺多方規避捱過冬春便可漏脫一年議者云工不出區之法大弊已革

而大利未興正指此也今將一區之內高鄉則計應濬河渠若干低鄉則計應修塘岍若干長短濶狹逐一丈明造冊每區繪一總圖并該區畝田畝實數一覽昭然本縣親令各區畝塘長該年會同本區畝糧長排年從公酌量先分水利緩急次計工力多少均勻搭配分爲五工如甲巳年應興某工乙庚年應興某工丙辛丁壬戊癸五年爲率週而復始圖冊既定每年舉行限定十月中農工既畢塘長該年赴縣遵照原編工次投領督工白牌分工告示并工冊工單督率興工定限三月中農興之日爲止如有冬不領工春不完工區責塘長畝責該年仍委官親臨督責務完一年分定工次而後已如塘長該年作弊曠役并有豪猾故意阻撓致悞一方水利者許令委官指名申究坐罪則往日之奸棍不復能以虛名漁利今日之田戶亦不得以偷安廢業矣一定分段筭土之法冬月塘長赴縣照分定每年工冊具認狀領工後隨該本縣酌係大工即日親詣勘段派工餘則或行水利衙官或委別官減從親行而勘派之日塘長該年會同該區糧長該畝排年眼同分段務在至公蓋地勢河身隨步換形若一槩云某河長若干濶若干今應浚若干其間深淺濶狹難易不同人情必有



不均之嘆工程便無責實之理故勘河之時務盡其法
須駕小舟行河中心用畫準丈竿沿河點水所測淺深
即便册記兩邊河涯水際各用一人徒跪而行持竿點
水册記如之又用兩人於兩涯水際拽繩而行以量河
面丈尺又用兩人於兩涯水際拽繩而行以量河底丈
尺其測水之淺深量河之濶狹看有不同處即便釘椿
分段逐段編號他日算土計工全在於此淺深濶狹多
係相同當論丈數分段如原議欲令水深八尺據現在
通流水有三尺此處該去土五尺矣應作一段算有木
二尺之處該去土六尺矣應另作一段有水四尺之處
該去土四尺應另作一段其濶狹亦如之分段既明兩
所各釘一長木樵令深入土中名曰信椿椿上出土二
尺上書原編號數及長短濶狹深淺丈尺仍於四旁用
土封識不得移動此椿不獨界限分明亦可認記老所
使興工之後不得增高兩所以虛報河身丈尺而他日
逐號派工逐段算土皆有的據第一緊關工夫只在此
時也其丈竿三根尺寸須要刻定丈繩二條丈尺須用
線繫定又必官府驗准分寸不差方無弊竇惟偏輕偏
重之議絕而人人無不奮之功矣一定計方派工之法
分段編號既明而逐段派工當論土方不論丈尺土

方之法每去土四旁上下各一丈為一方每方計土一
千尺該一千六百挑每方用起土一人各日一置擔土
二人名曰二挑大凡人夫荷重妙在換肩交擔其力少
息乃可長用如從河底升所從所遠堆大約相去十二
三丈該用二人接挑計每日置挑三人約可去土四百
挑計四日積一十二工方可去土千尺名曰一方而置
土之人其力稍省法當更番以均勞逸照范文正公河
工給米法每日一人給米五升最為中正蓋業戶出食
佃戶出力若給銀錢易於生弊若僱募閒民亦照此例
或半支銀錢即以米價准之每一方一丈用人十二該
工食米六斗如河深廣濶登所太高堆土太遠亦據丈
尺加增接挑人夫大約一人接挑可行八九丈若行河
底泥淖中或從河登所或所上堆土從早至高用力甚
難其行半之須一三至地酌量每增路人九丈應增接
挑一人每方該增四工計加工食米二斗遠近加減悉
准此例分段之後此法既明即萬夫負畚於郊外一人
握筭於堂中勤惰不難立判矣一定照田均派之法
土方折筭既明不論優免亦不論灌溉及與不及查係
該區本年工次即將該區田地一半計畝派方照例筭
米如本區有田三萬畝以一萬五千畝應甲年開河之



役以一萬五千畝應乙年開河之役兩年輪轉互為歇息如一亩十甲則以前五甲開甲歲之河後五甲開乙歲之河亦互為循環也如官甲圍戶有田二百畝則甲歲役田百畝乙歲役田百畝亦當自為循環不致併累所以不論優免者濬河本以資灌溉備旱潦為已田耕耨之計非公家力役之比也至於該區田畝則五年輪濬次第無不周徧更不當輪灌溉及與不及况一區數里之內榦河枝河大小資灌苦樂原是相通此眾輕易舉之法亦通力合作之意也即有河道深濶處五年輪濬册所不及亦不得希圖規避蓋通流常稔之田尤當效分力協工之義且十年再勘滄桑不常勞逸均受法始歸一古記鄉田同井諺稱同區合命揆之理勢應當如是但塘長該年十年輪當一次督率之日常少歇息之日常多惟該區田地人夫兩年一役歇息時少不得過用其力使為可繼大約以每畝出米二升為止每土方一丈役田三四十畝或五六十畝如該區本年工小土方數少不妨減至幾合多則必不可過也如工鉅難完法當先濬一半餘俟來年其已後工程遞年挨去但該區一年定舉一役河渠自有開濬之期而該區一歲之內法無再舉以傷民命又若區內有拋荒田地及逃

亡孤苦鰥寡老病果係貧難人戶於勘工之日許塘長該年對眾册開果無情弊特與免派該區不得過數百畝以恤真正艱窘之輩一定督率工力之法當分段造册之後逐段丈尺瞭然目中然後將該區應濬河身共該若干逐段折算應挑土方若干次將該區本年應役田地算該每田幾十畝派開土方如不係親身赴工者應給與佃戶及做工人夫每方工食該若干每畝應出米若干逐一折算明白大書告示張掛工所塘長該年據法細算逐段土方計該若干應派某亩某甲業戶某某該田地若干應浚若干遵照告示法則逐一開註工册送縣覆驗無弊給與印信遵守然後同該年至河公同輪役五甲業戶分釘夫椿椿上明書土方丈尺及業戶姓名各人認椿赴工不一躲避其各亩該年又將本亩應濬夫椿每夫椿河工一段填寫工單一紙給與應役人夫以為記工支米之據每日塘長執官給白牌督率一區工役該年鳴鑼催趨一亩人夫俱要時刻在河不得少懈至晚該年各就夫椿將一日濬河人夫填註工單該年又將一日內該亩濬河人夫總數報之塘長填註工册以俟比較自與工之日為始每半月為一限至期塘長該年將册送縣查比如工小赴水利衙


查比區工不及分數責塘長看工不及分數責該年若有頭戶抗拒不行赴工又不給與佃戶人夫工食又或人夫支領工食用力不齊許令塘長該年稟究一二以警其餘若遇風霾雨雪塘長開報定以晴天十五日爲一限三限完工一定稽查工程之法凡濬築之役督率全在塘長該年故半月送冊查比而一區之勤惰立見矣若頑戶最多之處必官府親詣工所查勘比較人心方有奮勵至如勘河分段之始及事畢查工之日大工則印官親行小工則水利衙或委官代之一將工冊工單臨河丈量方絕虛報塞責之弊而稽查工之法全以三椿爲主初分段編號時兩岫相對各釘一橛用土封識者名曰信椿一將木橛三根刻記丈尺二釘兩邊岫底一釘河心與水面平河本無水者與土平名曰樣椿若有水者除去河水尺寸若干將應開尺寸釘入土中無水竟將應開尺寸釘入土中即時逐段冊記明白每比限時露竿一尺則去土一尺矣工完時樣竿原刻尺寸盡露則去土盡如數矣須河心與兩岫樣椿相同者方爲合式又用丈繩於兩岫信椿相向拽平立丈竿於樣椿之上以量虛河淺深如繩在竿十尺上則虛河深十尺矣取初勘時造定丈尺查之尺寸不能欺也其

逐段中或一戶自濬若干或數戶册濬或一甲册濬若干各各分認工次公同塘長該年丈量分認釘橛爲記名曰夫椿總之三椿者稽工之準也册單竿繩稽工之具也驗老岫量河身查三椿測竿拽繩稽工之法也所憑全以原造河册爲主一定官助興工之法凡溝渠浜瀆田土附之蓄洩者多如木之有枝也名曰枝河枝河工費輕省悉資民力無煩官帑而枝河之通流全藉大河爲之源委如枝葉之有本幹也名曰幹河若濬幹河先將工程計筭土方明白造册次將幹河經過區畝合筭輪年應役田畝民力能任幾何其餘工力須憑官爲設處協助方能興工但官力所開之河亦不必任用泥頭別作分派只就原分河段信椿及細分夫椿明筭土方丈尺其民力應開者責令自開其官力協助者卽將官帑銀米照土方丈尺給與各夫仍填註於各夫工單之上以憑稽查但工單留各夫之手而工册留塘長之手若有給散務要眼同對註明白方准給散若各夫不係田戶佃戶必要親識保認方准給發恐錢糧入手卽便逃躲廢工也若給散時塘長該年無故阻撓需索及各夫親領之後爲之設法侵漁者定以賊究若衙門人役因而賺取者一體究治一定照單給米之法官

府始終查工全憑原勘河冊而塘長所司在工冊各夫所執在工單此一工單者計工在此支領工食填註於此限期比驗工畢查驗亦在於此但夫給一紙大覺瑣屑祇於逐段中每一夫椿給單一紙或一戶或朋戶總以一單論如係田戶本身赴工只照告示派工法據田認方不必復論工食矣如係佃戶開河或係閒民做工當依單上原填丈尺照例支米其每日在河開浚工次該年逐日填註其支領工食數目業戶註明單上方行給發他日據此稽查各無欺隱若佃戶及做工人夫領米入手開土不如式樣許業主呈明官府驗單清理若佃戶人等遵依赴工土方無悞而業主抗法不給工食或故意短少亦許佃戶人等執單呈官拘提追給又如幹河工程浩大官帑協助錢糧亦明註公單一體查考一定要害閘壩之法水利之酌盈濟虛全在乎建閘置壩宋范文正公言修圍濬河建閘三者如鼎足缺一不可邾僑亦云漢唐遺法自松江而東至於海遵海而北至於楊子江沿江而西至於江陰一浦一港大者皆有閘小者皆有堰所以外控江海而內防旱澇也浙東地形高卑不一今時水利最善無如寧紹以其講於壩閘之制今沿海地方不能深浚河渠蓄用山源湖蕩之水

往往專用江海濁淤塞故道為害不小蓋潮水挾有浮沙一日兩潮每潮泥沙一箬所以旋開旋塞民力豈堪且湖水澄清底泥淤爛農夫簞取壅田年復一年田愈美而河愈深濁潮灌田沙積田中田力日薄一遇大雨浮沙滲入禾心苗生漸稿而所收亦薄利害懸絕吳人多未之悟也今議於豐穰之年值河身開深處相度形勢宜建閘以時啓閉或有當築壩堰攔截者其工料之費俱於該區田地輸應本年出米濬河數內量取其半餘則助以官帑此亦美利之當與者一定勘河省役之法凡勘河之法先令該區畫一河圩總圖次開幹河枝河幾條然後按圖披冊逐一丈量通計某河若干丈自其至某面廣若干底廣若干河深若干分段註明白不惟開濬時可計工力儻有侵占河道致妨水利者亦可以時清理其該區內有河身深廣通流者載明冊中無煩工力即一河之身有南段塞而北段通流者亦有南北塞而中段通流者一一註明緩濬以省民力但地形水勢變遷不常法當十年一勘酌量緩急派分工次

四十五年上海知縣呂濬開縣郡城抵縣內外水道



陸彥章碑記畧 上海澤國也城中市民龐雜首磔雜
投而豪家大族漁問井小利斫日益狹久則
屋其上無故跡可尋故市民旱則涓滴無所求潦則溝
澮無所洩穢則蒸厲火則延燼城西河港漸成平陸郡
邑往來者非步即騎不然取道龍華轉黃浦始得達潮
退則一芥可膠風橫則萬斛可覆呂公至爲父老疏城
中河河旁有屋其上者不問單赤豪貴立撤如河故跡
而止凡百日而工竣乃疏城外河城西自肇嘉浜至新
港漚十八里城北虬江達嘉定漚十五里丁夫雲集又
值歲晚冬曠凡百日而工又竣自是郡城之舟直泊縣
門汲者舍浦而城行者
舍騎而舟公私交利

天啓元年華亭知縣章允儒同呂濬濬莘村塘華亭長二
千三百丈上海長一千丈二年華亭知縣郭如闇濬官
紹塘橫瀝河長二千丈有奇上海知縣鮑奇謨濬張家
塘東自黃浦口起至華亭界長三千二百丈三年如闇

復濬府東北城濠二百四十丈四年復濬蒲漚塘徐家
浜及城內穿心市河長三千五百餘丈五年華亭知縣
徐尚勳濬海螺港長一千七百八十丈鮑奇謨復濬張
家塘長一千一百六十丈尚勳復濬城濠河涇及集賢
涇黃 橋等河自萬曆間頻遭水患專設導河夫役有
司加意修濬每歲舉行江河通利

六年青浦縣知縣鄭友玄修築田圩青浦自水災後低鄉
田畝日窪友玄令業主出米佃戶輸力分大圩爲小圩
界長圩爲短圩便於戽救傍邑傳以爲式

崇禎元年蘇松水利道張孝濬華亭莘村蒲漚官紹等塘

長六千四百餘丈濬上海陸道浜莘村塘小閘港四千

七百餘丈

禮部主事陳懋德請濬吳淞江疏畧臣鄉吳地疊災奇困數年之間大浸居其七八而至丁卯一歲之中水蠱風三災沓告訪之父老僉云雖係天災頻仍亦由人事未盡叩其故則謂吳水鄉以水為利而今反受水之害者惟水政之久廢而莫舉也臣按江南水患永樂二年特命戶部尚書夏原吉疏治正統五年特命巡撫侍郎周忱疏治弘治四年特命工部侍郎徐貫疏治其他用部郎臬司與地方有司隨時浚理屈指而計大約十餘年一興水利以故歲不告潦田獲有秋國家額賦輸將不竭而府縣尚有餘積以備不虞乃今水利之不興已數十年吳淞江入海故道化為平陸矣白茆七浦塩淤亦非故跡所以一遇霖霖太湖西來數郡山水奔注蘇松下流無從宣洩數百萬頃良田悉成巨浸夫臣鄉雖一隅財賦半天下况今邊警需餉仰給東南尤為至急至切使及今不治而水患日甚一日災浸易乘蠲賑

難望小民皮毛俱盡粹有他虞即國賦將安所從出哉當事諸臣非不熟知此為要計而苦值公私交匱不敢輕舉臣愚以為幸邁聖明在上軫念東南即如織造上供仰荷停免則此項錢糧中酌其可動支者并清查原設導河夫銀即足克開濬水利之費仍倣祖宗朝例責任大臣如周忱等假以便宜聽其相度區畫期於成功而後報命是即以前所留於地方之物力與地方無窮之大利不但立拯億萬墾溺生靈於衽席之上而使江南數百萬賦稅源源上輸渙小儲成大儲不加賦而賦日裕不別求惠民而民受實惠臣所謂根本之計似緩而實急者此也

二年巡撫曹文衡檄同知錢永澄濬華亭金滙塘橫涇河

呂河涇徐家浜上海俞塘等河萬餘丈修築黃浦塘所

二千餘丈是歲知府方岳貢濬府城內諸河發帑募夫

隨運河土增築官塘自西馬頭至五里橋長隄高固行



旅耕作胥利焉

三年巡撫曹文衡濬上海肇家浜二千五百餘丈四年知府方岳貢濬華亭盤龍塘亭林鶴頸滙河運港後港鹽鐵塘南橫港六千餘丈上海新涇一千八百餘丈

五年巡撫莊祖誨督通判朱啓元濬華亭祝家港浙河三千六百餘丈上海新場河沈莊河青浦蒲滙塘四千八百餘丈築泖塘澱河岍二千八百餘丈

七年巡撫祁彪佳督濬華亭蒲滙官紹等塘上青浦滙莘村等塘萬餘丈

八年巡撫張國維督知府方岳貢華亭知縣張調鼎勘覈
滬關埭塘長二百八十九丈內患口一百十九丈東西兩塘接連患口一百十七丈有奇東盡塘五十三丈官給料價工食銀二萬餘兩岳貢率屬經始舉人吳嘉胤

綜覈冒濫石塘以成

錢龍錫石塘記畧 余家濱海不百里聞父老言每夏秋交颶發水湧俗謂之海嘯先時嘗患此則就舊塘增卑倍薄官帑費而民力瘠吳及嘉禾鹽官沿海平沙沙性融散不可傳萬里風濤以一堤爲培壘而堤土猶客土也水浸淫潛衍而入狂飈翼之卽比間列厓可利那陷則海塘之關係我吳邦尤重且亟已滬關者吾郡漁舟入海採捕處也其外漁舫鱗次併無護沙漁人緣堤上下如蟻附然春夏百賈蝟集勢家構闔闐爲居停萬趾交錯土旣不膠附而蹂躪無虛刻宜堤獨此善潰矣考誌萬曆初年曾潰潰而築猶土堤也費逾千金崇禎六年季夏望大潰至中秋望季冬朔再潰七年元旦與六月幾望又連潰海潮洶湧與內河合沿河數百千頃

之勤情上聞上之賞罰不能盡如吾指而督率之術已窮於是獎諭不從譙訶無畏既不能中事謝去而告成且無日乃惋歎夫辭者智而任者愚夫非任者之愚而使之惋歎者失也禹修郡伯之強起慤人也日吾聞后變典樂不煩少師今君行矣無置貳信許由之廉者不疑以皮冠發帑之事君其悉寓目焉茲二十五人勤事者復徃窳功者倍役惟君之監視以為勸懲閱月十有六而塘成木深土堅石齒壯合力與海闢而膚石不傷塘之內廬者賈者貧者擔者行者游者汲者炊者耕者圃者織者咸懽然曰海國不空何君之功然使方侯不強起何君而任之任之而又使惋歎以去欲成功勒珉與繩如項領相望庸詎可冀乎今海內之大豈無何君苟有事而得人任之不撓權不急成不疑以私久之而績効著白寧獨海塘一役為然哉嗚呼築海塘二千六百三十五尺耳而事理固如斯矣

御史李模條陳開濬吳淞江事宜畧太湖袤三萬六千餘頃即在吳江縣郭外自此東出長橋直趨吳淞江奇分而南為東江北為婁江即古所稱三江也並注入海後東江以築捍海塘廢止籍吳淞婁江為宣洩二江

宜可做彼日舉行亦當荒瘵之際非寬然有餘而謀先
 根本不容不渙小儲以成大儲也二日吳淞白茅淤沙
 漸以陞科告佃今一開鑿稅額何償將累樂業耕戶此
 皆豪民自私自利之談非體國經野之議竊查稅則輕
 微有司不過歲徵其入以抵荒區逋欠即近該巡按御
 史饒京具題覈取江海沙漲科糧克餉豪民乘機或亦
 冊報及之但關水利要害何惜此涓埃而誤農田大計
 凡籌策利害當權輕重即使開鑿果不便於佃稅諸戶
 而水利一興樂利之民何啻萬萬水荒之田亦開
 墾成熟不待包賠得失天淵政可相提而較三日襄田
 築圍支渠撈淺聊備蓄洩姑緩疏瀹此未悉吳中原隰
 耳從來治水治田兩者相御不可偏廢撈淺圍坵即是
 盡力之溝洫但來源之水既無泄宣湖流駛駕常高數
 尺或盈丈而隄岍可若是崇乎即崇矣而洪濤晝夜衝
 激能不傾蕩乎若旱魃為虐雖渠深亦竭遠盼震澤而
 思枯槁必無是望所謂江不開塘不通縱岍堅如營壁
 而苗亦坐稿斯開濬之萬難濡滯不待智者而決矣四
 日大興水利必設專官方今裁汰冗員添一官多一官
 之費臣嘗詢訪父老所傳言遣人臣者必以夏原言徐
 買俞諫為例言遣部臣者必以姚文灝傅潮林文沛顏

如環為例言加敕巡撫者必以周忱李克嗣歐陽必進
 為例言添道臣者必以吳瑄等為例以臣考求往蹟夏
 原吉布衣蔬食躬親胼胝仍有都御史俞士吉通政趙
 居任少卿袁復給事中姚善偕行贊理若徐貫俞諫體
 統嚴重貫亦乞主事祝萃隨巡在今日用大臣尤為未
 便巡撫受敕如周忱善矣時忱兼理浙西糧儲均平賦
 額節省倉庾甚裕便宜動支廩粟故得奏用多官至李
 克嗣之日巡撫事緒紛紜亦請差協理郎中矣海瑞目
 擊時艱自疏請旨肩任畢竟分巡撫之餘力止治吳淞
 一江而踵濬白茅以陞任去亟致有遺憾添設道臣無
 慮數次止吳瑄一人當成化初克稱厥職蓋水利輿情
 恒須獨斷道臣掣肘各臺文移顧忌必如部臣姚文灝
 傅潮林文沛顏如環四人專職勤事勞績於今未泯蓋
 部郎甲榜初朝氣方銳事體歸一不辭瑣屑又官秩
 未尊可與巡撫每事咨決巡按亦得旁察短長凡出行
 省事騶從稀少不糜供億職列京銜不受各差節制假
 以鹽書柄操舉劾府佐州縣長並勢分相臨呼吸立應
 上下各便惟設官添費不可苟且臣亦反覆計議吏胥
 承舍當於蘇常兩道各省二名可備使令公署則有舊
 設分司無俟勅建祗此官大半居水乘坐官舫亦於撫



道取撥不必另造其差定限奏績最則

優遷殿則劣處斯水利立見成效矣

郡人陳繼儒開吳淞江議書經云三江既入震澤底

定蓋宜歛茗雪諸大水皆西注震澤東達於海震澤者

其腹三江者其尾間也一日婁江即太倉之劉家河是

也以婁江訛而為劉也自震澤從吳江縣經蘇城之婁

門由崑山轉入太倉此蘓州之水口亦常州之大水口

也一日東江即松江府之黃浦是也以西浙水來故曰

東江也此松江之大水口亦嘉湖杭之大水口也一日

中江即今之吳淞江是也自東及西橫亘七八十里海

忠介開鑿而後歲久僅存故影蘇州之下流不能洩而

蘇州之低鄉困矣松江之上流不能洩而松江之低鄉

困矣於是吳江常熟常州崑山嘉定太倉以及華亭青

浦水勢漫延無不受其殘滅者屋廬塌毀田地拋荒此

緣旱無灌輸潦無洩浸故耳以愚計之度非千夫不可

非設處八萬錢糧不可錢糧非協濟不可非專官責成

不可非衙官分督不可非大戶催償不可六七十里之

遠道非立標分界不可非蓋厥分棚不可又須巡行如

海忠介公布袍草蔬帶星出入面給錢糧不遲緩一刻

不扣除一釐隨官人役不橫索人一錢不巧賺人一飯

而後事可舉也或曰海忠介開而復塞何也曰以海潮

之東入故也海潮渾濁潮退則泥留矣泥厚一箬一日

兩潮則一年七百二十箬矣日積一日年厚一年雖欲

不淤塞得乎識者云自西徂東開至盡頭處留里許不

開以壩海口既無潮退泥留之患又省防鹽防盜之虞

若逢水災洶湧請牌開壩眾鋪如雲里許不日可濬水

洩復塞何畏海潮何傷風水此開吳淞之妙策也但以

銀米召募因救饑貧其功速派撥民夫因累塘長其害

大其功遲知此而禹蹟可成

海忠介可以並享而血食矣

本朝順治三年丙戌巡撫都御史土國寶修築滌闕捍海

石塘

七年庚寅捍海塘圯知府廖文元繕完之

元年壬辰巡按御史秦世禎檄華亭知縣劉成龍濬春申

六磊紫岡沙岡竹岡蟠龍蒲滙諸塘及丘涇橫瀝張涇

俞塘沈漕涇千步涇并支河二百餘仍令塘長每歲修治不得派濬遠方

勘實空派開濬河道各荒畝 三十六保一區二十八畝 九畝 三十八畝 四十四十一畝 二區三十六七畝 三十九四十二畝 四十三畝 三區三十四畝 三十五四十四畝 三十一四十五畝 四區一畝 二十三三十畝 十八畝 二十一畝 二十七畝 五區四畝 五畝 十二畝 十三畝 十四五畝 十六畝 十七畝 七區三十畝 三十七保二區十三九畝 十五畝 二十畝 三區十四八畝 二十一畝 二十二畝 二十四畝 三十一畝 以上區畝皆東北荒瘠之地澇則積水旱則絕流所設開河塘長向多撥派遠方開濬致本畝河道愈塞故秦公力行禁止刻石示後永為遵守

十年癸巳知府李正華大濬府城諸河

松江府志卷之十六終

松江府志卷之十七

城池

府界海隅古稱樂土雖建邦作邑而重險之制濶焉今之治城元末僭侯之為我役也而瀕海之地列築相望皆自昔所未備者可無述乎

顧志舊有附記古城今俱列于古蹟此不重載

府城廣袤凡九里一百七十三步高丈有八尺濠廣十丈深七尺門凡四東曰披雲西曰谷陽南曰集仙北曰通

波 谷陽舊名披雲集仙以橋通波以塘並知府陳威題榜 水門各附其傍門有樓

樓外為月城元末張士誠據吳時築洪武三十年因而

葺之立松江守禦千戶所專管守護城池城上建敵臺
二十座窩舖二十六座雉堞三千三百八十九垛其地
後殿九峯前襟黃浦大海環其東南三江繞乎西北平
疇沃野四望極目東南之重地也

嘉靖間島賊入寇知府方廉捐俸增葺 萬曆二十三
年華亭令王廷錫葺治旋崩二十六年巡撫趙可懷檄
令重繕高濶並加五尺外濠深廣皆濬治如初 萬曆
三十六年傾於積雨凡數百尺華亭令聶紹昌脩築
崇禎三年郡守方岳貢修葺增高城堞修建窩舖敵臺
各置軍兵防宿編號分明遞籌擊柝城樓四座東曰迎

生西曰寶成南曰阜民北曰拱宸

其榜皆董宗伯
其昌手書今廢

本朝康熙二年秋霖兼旬城西南隅當大張涇衝齧之處
咸遭傾圮他處亦多崩損提督梁公化鳳從城守營游
擊張國俊議遂會咨巡撫韓公世琦韓公首先捐俸檄
下郡脩葺于是知府郭廷弼同知彭可謙陳計長通判
陳瞻遠張憲仲推官王于蕃同六營游擊王嘉會王永
禎張國傑劉應第劉一才張國俊及華亭知縣馮賡婁
縣知縣張顧恒上海知縣陳以恪青浦知縣潘嗣德公
同酌議皆以事務重大工費浩繁公帑難支蒙巡撫率
令捐脩提督復行倡助應各捐貲興工脩治因估計若

千通加浚築向來城堞併三為一共一千二百有奇凡

水關城樓之屬煥然重新雄峙一方遂為巨鎮

知府郭廷弼記 松郡一城外控江海內屏泖澱誠保

障之重勢也年來海上鯨波震驚致屢屢

聖天子宸顧然撲滅之計惟戰守二策戰守之資惟城垣

是賴乃歲久傾圯非大加繕繕無以為網繆未雨之防

今蒙各憲行府會議念工程浩曠額編既無項款正供

又難動支幸巡撫提督兩臺首先倡助而文武諸僚屬

各急公捐俸共襄斯舉遂鳩工重加實砌併築雉堞門

樓水關靡不鞏固與姑蘇京口諸城形勢聯絡屹成金

湯其為地方計久遠之功烏可以

無誌乎爰勒名于左以傳示將來

巡撫韓捐俸一千兩 知府郭捐俸一千兩 同知彭

提督梁捐俸一千兩 知縣陳捐俸二百兩 通判張捐俸二

百兩 推官王捐俸五百兩 游擊中營王捐俸伍百

兩 左營王捐俸五百兩 右營張捐俸五百兩 前

營劉捐俸二百兩 後營劉捐俸二百兩 城守營張

捐俸二百兩 知縣馮捐俸三百兩 知縣張捐俸二

百兩 知縣陳捐俸二百兩 知縣潘捐俸二百兩

上海縣城周圍凡九里高二丈四尺門大小凡六東曰朝

宗南曰跨龍西曰儀鳳北曰晏海小東門曰寶帶小南

門曰朝陽水門三其東西者跨肇嘉浜其在小東門者

跨方浜城有敵樓一平臺二堞三千六百有奇穿廊七

十有八濠廣六丈深一丈七尺周迴濬繞外通潮汐

嘉靖三十二年知府方廉因倭亂從邑人顧從禮建議

始得築濬 三十六年同知羅拱辰於城四門益以敵

樓三楹沿城益以箭臺二十環濠益以土牆又於要害

處益以高臺層樓其名凡三曰萬軍曰制勝曰鎮武

萬曆二十六年知縣許汝魁奉趙巡撫檄城加五尺開
小南門水關引薛家浜水以通市河南城居民至今賴
焉後知縣徐可求劉一爨相繼爨內城加濶自大南門
迄北門俱爨以巨石凡十餘年而告成三十六年久
雨內城傾數十處知縣李繼周次第修築四十六年
增置穿廊八十餘間

邑人顧光祿從禮奏請築城疏略曰上海宋時特爲海
船所駐之地至元二十九年開設縣治原無城垣可守
蓋因立縣之際一則事出草創庫藏錢糧未多一則彼
時地方之人半是海洋販易之輩武藝素所通習海寇
不敢輕犯所以雖未設有城池自然亦無他患見今一
縣編戶一百餘里殷實之家率多在市錢糧四十餘萬
四方輻輳居積貨物尤多而縣門之外不過一里卽是
黃浦潮勢迅急最難防禦所以嘉靖戊子等年屢屢被

賊劫燒殺傷地方鄉官商人居民不下百有餘家蓋因
賊自海入江乘潮來去劫掠城市如取囊中皆由無城
可依之故也伏望軫念府庫錢糧之難聚地方百姓之
哀苦乞勅工部都察院會議開築內外峻壁城垣以爲
經久可守之計實一縣公私無
疆之休也潘恭定公恩有記

青浦縣城周圍一千三十丈以里計者六高二丈三尺箭
梁一千七百一十五敵臺七窩舖四十八門樓六旱門
五東曰望海南曰觀寧小西曰來蘇大西曰永保北曰
拱辰水關三南曰躍龍北曰克賦大西曰通漕月城三
在南北大西餘未建濠廣三丈深一丈周圍共八里萬
曆二年知縣石繼芳創建嘉靖庚子以糧稅無徵議
建於郡之西北離城七十餘里地名青龍歷知縣楊堯

松江府志 卷之十一
三
呂調陰幾十年值徐文貞公入相有稱不便者壬子議廢又二十年而少司馬蔡公汝賢時爲給諫疏議復之蔡卽其邑庠生也 萬曆元年移建於唐行鎮凡城池縣宇及學宮察院倉儲之屬皆邑令石公鼎建 金山衛城在府南七十二里西連乍浦東接青村周圍一十二里三百步有奇高二丈八尺濠周於城深丈有八尺面廣十二丈陸門四水門一門樓四南曰鎮海北曰拱北角樓四腰樓八敵臺八間以箭樓凡四十八雉堞三千六百七十八其外營堡烽墩氣勢聯絡隱若金湯 洪武十九年欽差安遠侯等官起嘉湖蘇松等府衛軍

民所築 永樂十五年九月欽差都指揮使谷祥增高五尺潮沙淤塞復命指揮侯端等督修挑深一丈四尺濶一十丈旱門四座水門一座城樓五座角樓四處窩舖七十二座吊橋四座烽墩墩臺四十四處營堡七處 萬曆二十六年趙巡撫可懷委本府督令衛官幫砌城牆務令高厚濠濶一十丈深一丈五尺 崇禎三年郡侯方岳貢以城久傾隳特捐俸鏹移會指揮范必忠刻期舉工修築柵城二百二十六丈葺建窩舖五十四座弁四門營房務俾堅久以嚴防禦

柘林城本堡原係古鎮以其臨海嘉靖甲寅倭至取便結

老巢于此巡按御史尚維持因建議築城周圍四里高一丈八寸旱門三座水關二座雉堞一千八百七十墩城濠原未深濶後奉趙巡撫可懷明文重深面濶十丈底濶六丈深一丈五尺

周思兼贈尚侍御詩扶桑新築受降城海上烽煙萬里清天作重關魚鑰靜戍臨三島雉樓明旌旗曉映霜臺月鼓角宵傳漢將營聞道廟廊今有議籌邊還欲仗威名

青村城在府城東一百十里周圍六里高二丈五尺濠廣二十有四丈深七尺餘城門四上各有樓外各有月城角樓四敵臺十一箭樓二十八 洪武十九年安遠侯議築 永樂十五年都指揮使谷祥增修城池周圍五

里八十步月城四座城樓四旱門四座箭樓二十八座吊橋四座窩舖一百三十座雉堞一千七百六十墩萬曆二十六年巡撫趙可懷檄委署海防李同知暹重修城加高厚如故濠面濶濶十丈底濶六丈深一丈六尺

南滙嘴城在府城東北一百五十里在青村北五十里周圍九里百三十步高二丈二尺濠周於城深七尺餘廣二十有四丈陸門四水門四門樓角樓各四敵臺四箭樓四十 海防志云南滙城卽金山衛中後千戶所分署在上海縣十九保地方 洪武十九年安遠侯築 永樂十五年都指揮使谷祥增修弘治

初指揮使翁熊重修內有鎮撫司軍器局廣儲倉外有
演武場祀典有城隍旗纛二廟其備瞭守瀕海有墩塘
三十五墩自一墩至十八墩在捍海塘外每墩一瞭守
軍士五人塘一十七即海塘置舖舍以便瞭守每塘一
瞭守軍士二人 萬曆二十六年趙巡撫可懷檄重修
城牆高厚如制濠面濶十丈底濶六丈深一丈四尺

袁凱海上詩旗影翩翩整復斜中天星月動光華千羣
龜虎方屯戍萬里魚龍聽鼓笳聖主自多開國老遠人
莫恃上天槎却煩上將頻
思念時問東門二畝瓜

川沙城在八團鎮嘉靖三十六年巡撫趙忻巡按尚維持
兵備熊桴從喬鏗王潭建議興築內設守堡千戶公署

百戶所軍器庫把總司撫按行臺鐘鼓樓城隍廟社學
下沙三場二場鹽課司南贍巡檢司三林莊巡檢司演
武場又置附堡營田若干畝除輸糧外餘贍守堡公用

邇來生聚日繁人文漸盛巍然為瀕海巨鎮


張鷟翼川沙城記畧松江薄海東徼孺地為郡右臂據
其體勢則川沙去海口近為賊必犯之路故其城於今
為亟尚公維持上其事于朝一時是其議自經始之日
至於訖工僅計以三月既成公復諭于眾曰吾所以經
營若城者以計民也今民且窮矣弗收將轉而為盜散
矣弗集則愈生背心矣又何有于城乃上奏請寬租賦
分餘隙之地以招移徙願受塵者仍給之直以風其來
已乃大閱於鄉得選兵若干而粵兵多劔客善鬪士
復令夾輔土兵時時徼循其間又議歲輸米若干以便
給食蓋公城守經畧大較如此不可以無記系頌曰聖
皇臨極臣撫萬邦惟茲夷醜自取滅亡乃聯百艘于茲
假息始焉萌芽漸乃克斥于維尚公慮切民痾大哀羣

議用折于衷乃勤經營千夫林列約束蛟鯢大海若截高焉為城深焉為池深不可越高不可窺公猶傲然曰何以守爰招流亡歸之疆畝既闕于鄉載樹之兵歲輸百庾俾無震驚澗澗滄波厥利惟溢公曰爾熬民無淡食曠彼原野積蒿成丘公曰爾闢歲用以收凡此駿功匪公弗克後者繼之慎哉無斁

寶山城在上海東北與嘉定接壤永樂初沿海設備築高丘二十丈延亘十里事聞御製文樹碑焉今浚于海舊有早寨後廢嗣築新城但城隘而兵力單弱萬曆七年撫按議題改築城周三里高丈有八守以吳淞所官兵聽本府委官統練以備守禦母使敵得乘為巢窟則寶鎮堡亦海孺一險阨也

西倉城在府城西門外周圍二里高一丈八尺陸門凡四濠廣六丈深三尺餘嘉靖間興築以衛漕糧內有公署神祠倉廩俱萬曆己未知縣章公允儒重修 崇禎八年郡侯方岳貢以漕艘運軍泊舟水次恣不逞恐滋他端遂築敵樓于倉橋北岸增置城樓四座屬諸生夏之旭董其事葺城濬河其城中空地許民間納價給帖於是居民鱗比倉廩整翼屹然成一方之鎮云

順治十五年奉旨官收官兌盡革收兌之役及巧設典耆圖記之名仍按圖增造倉廩數十間于水次倉以便小民交納城中幾無隙地焉



圖傳世會... 鄭師十五平本... 其承其... 誠... 平... 德... 考... 坊... 巷... 邑聚民以坊巷而表其賢者先王疆理旌別之政存焉其餘因事而名蓋有不盡同者各隨其實而著之不可考者存其名而已

坊巷

邑聚民以坊巷而表其賢者先王疆理旌別之政存焉其餘因事而名蓋有不盡同者各隨其實而著之不可考者存其名而已

坊者表也表賢如通德表貴如鳴珂古者所以表里也作志者宜有取焉

承流坊 今更名 旬宜 惠民坊 以通舊常平 倉名今廢 豐儲坊 俗呼倉橋 巷今廢

德勝坊 元張萬戶征羅天驕 一矢中其額故名 澄清坊 激揚坊 已上二坊在今

察院 左右 美功坊 在察院前今廢 棧樸坊 楊賣柴巷 通駟坊 郭門外 里仁坊

錢家府巷 鐘鼎坊 東亭橋 旌義坊 蓬萊坊 蓬萊道院 忠文坊 一名 甄庫

麗錦坊 文政坊 仁榮坊 繡衣坊 登雲坊

坊 為陶永進士坊四 為李祥李人龍王恩一在 俊士坊

坊 為何餘慶坊 宣德年立 披雲門外 解元坊 為楊書繡坊 為張進士

坊八 為黃翰浦清沈徽周騃 宗伯坊 為張天登鑿文衡

二坊 恩命歸榮坊 已上三坊 恩榮世美坊 為徐憲臺

坊 為溥子鵬程坊 為孫貞節坊七 一在米市橋東為宋

莊老橋南為楊允修妻何氏立一在南俞塘為盛鶴妻

宋氏立一在亭橋東為王德妻張氏立一在北俞塘為

陳允正妻唐氏立一為王彥章妻楊氏 旌表雙節坊 為

立一在漕涇鎮東為張口妻楊氏立 完節坊 在館

福建提學副使何三德妻誥封太恭人唐 敏書宋氏係進士沈泓母 副憲坊 為過璘立曾孫御史

氏及生員何萬仞妻李氏立 在北倉橋北 完節坊 在館

為沈文沼妻宋氏立董文 庭訓重修改兩朝特

簡進士坊三 嘉靖己未乙丑 世桂芳 為宋瑛瑛論堯 孝

行坊 在里仁橋南 世沐恩榮坊 為朱瑄朱 內史坊 為陶

立在棠梓橋東 柱史坊 為李人 馳封坊 為御史 侍御坊 為陸萬

大方岳坊 在新察院東 宮保坊 為孫承 異烈坊 在柘林城外

宋貞烈坊 在三里橋南為 科名坊 在蓬萊橋西為李 宣

氏化坊 舊名朝宗坊 佐理坊 以通舊 廣明坊 阜通坊

字民坊 縣前舊 麗澤坊 善教還淳二坊 棣華坊 在

寺橋永樂 遵義坊 俗呼思 棠陰坊 華萼坊 並贊憲坊

中改黃華 為顧 文明坊 為夏 謙光願吉都憲三坊 為張 狀元坊 在

府葉冕為衛涇立 衆安坊 俗呼黑 繡衣坊二 為吳玘 柱

史坊為沈迎恩坊一名瞻平政坊在石灰谷水坊長橋

槐安坊一名清安壽安坊長橋雲間坊去府五里宋開禧中

書聯桂坊為錢中世科坊為錢中錢和中

元坊並弘治三年方伯晝錦二坊為葉登科坊為趙進

士坊五其四為相傑宋訥高誼王績

坊為倪旌節坊黃鑾妻進士登科坊五隆慶戊辰科辛

內萬曆戊辰科甲辰科

癸丑科俱在西關外

冰清坊為布政玉潔坊為副使

霽寅壻也雲間雙鳳坊為御史包三世罔卿坊為林祥林正

世進士坊為曹嗣榮四世一品坊為徐賢徐禮百歲名

臣坊為陸樹掖垣補袞坊為鍾宇司寇坊為徐狀元坊

為唐文 獻立 尚書坊為董其柱國坊為徐相門雙節坊為徐

母沈氏 繡衣坊為許樂解元輔治坊二為錢臺諫雙清

坊慶雲橋為張及第經魁坊為丁三命坊為吳梁立

科坊在干巷鎮為宸章世錫坊在呂巷鎮為吳清朝甲

第坊 節命重光坊在呂巷鎮為吳軫妻福民坊即府

南保 集賢坊會星顯善坊二坊並宋縣令楊

者 孝義 儒林坊在集賢尊賢坊儒林南成德坊舊日達材

坊今日仰高坊即樂崇孝坊普照寺谷水坊沙家宣撫

肅清二坊巡撫行興賢育材二坊縣學太平坊 鴻達

坊縣學文魁坊在府南為六俊同登坊為嘉靖傳臚坊

會星橋北

京兆坊

在會星橋南

進士坊二

為張祚

登龍

為宋瑛立

為張黼立

為陸樹

啟元坊

在府學後

為丁溥立

為徐

以國朝進士及第自溥始也

清宮太師綠野者碩二坊

為徐

內臺總

憲坊

為潘

會元坊

為陸樹

科甲聯登坊

為季

兄弟名卿

坊

為陸樹聲

繡衣坊

少師坊

為徐

世科重恩二坊

在

徐

文貞賜

大學士坊

為徐

紀綱重地坊

南察院前

進士登科坊

為

六

嘉靖辛丑科丁未科丙辰科俱在府南嘉靖甲辰科萬曆己丑科丙辰科俱在縣南

應奎坊

為

璠

大司寇坊

為刑部尚

聯芳傳桂坊

為張

家

為張

宰坊

為張

完名全節坊

為張

貞烈坊

為張

都憲坊二

為張

為張

世美坊

為朱

進士坊

其二為朱倫顧純立其四

一在南橋為陳詢立一在

張悅立

張悅立

九保曲村為吳忱立一在朱涇鎮為鄭珪立一在紅橋鎮為王明時立

文憲坊

在官紹塘

上為李祥

立榮豸坊

在十三保

解元會魁學士三坊

俱在瑯湖南

岸為顧清立

啟秀登科二坊

在五保為王

錦榮棠棣聯芳二坊

為張

奎張

解元坊

為周輿立

義士坊

為王仁立永樂中出粟

賑饑多所全活事聞于

朝命有司

建坊旌表

諫議坊

在陶宅鎮為

世錦坊

在九保鄉進

士吳周進士

為

張

哲為高祖叅政衡從

世進士坊

為周輿及

大司馬坊

為

張

鑿

通驛坊

在府治儀

文雄坊

為羅義立

中丞京兆二坊

為

為唐

進士坊

為王

繡衣坊

為何

步雲坊

黑橋

京兆坊

吳

父子兄弟進士坊

為潘恩及子

孝行坊

為楊應

貞節

為

朱

為楊應祈

貞節坊

為朱

憲副進士二坊

為

朱

為

朱

瑄朱世掌絲綸坊在白龍潭一覽樓後為

肇嘉坊以下屬上海縣拱辰坊 文昌坊 福會坊 致民坊

永安坊 聯桂坊 福謙坊 詠飛坊 美政坊 寶

華坊 登津坊 平政坊已上宋元間建並廢崇禮坊 宣化坊

澤民坊 集慶坊已上四坊在縣東四牌樓洪武三十年知縣張守約立阜民坊

迎恩坊 明通坊 公溥坊已上成化以前建今俱廢興賢育才二

坊儒學左右激揚振肅二坊撫按行臺左右肅清江海坊 保障東

南坊已上二坊在按察司行臺左右都憲坊為王霽立三大夫坊為李伯璵李澄李清

父子立今廢登雲坊 方伯坊已上二坊為唐瑜立廷尉坊為王霽立兩世

都憲坊為唐瑜唐維祿立世科坊為王霽王泰父子立叢桂坊為戴春立京兆

雲間三鳳坊為董綸子悟忱懌立在黃浦上紫微坊為戴曦立鳴陽坊為諸弘濟

立在橫沔浦馳封坊為勅封光祿署正倪淑立熙春坊 興文坊 餘慶

坊 蒞政坊 中和坊 興仁坊 安里坊 清寧坊

儒林坊已上十坊在新場鎮

恩波坊泳飛亭南攀龍坊龍王廟前招鶴坊白鶴渡東便民坊

便民橋東亨衢坊通玄觀西中和坊中亭橋和豐口雲津坊阜通橋北鎮學路口先

登坊鎮學路龍江福地坊通玄觀前平理坊鎮治西通惠坊鎮治東

嵩高坊金獅橋東熙春坊酒務前萬柳堤坊與嵩高並興賢坊

巡檢司前皇華坊關橋東張提舉宅路上達坊關橋西連魁坊板橋南為曾兼脩曾

信振文坊南亭橋北仰高坊高視橋北同福坊太傅廟前阜民坊南柵

立

迎僊坊 隆福寺以近 僊壇坊 昇仙臺下 登雲坊 高視橋西 桂枝坊

關橋 還珠坊 勝果寺前 太平坊 橋東 平康坊 中亭橋西 崇義坊 太平

橋東義役 合浦坊 西柵橋西 福壽坊 福壽寺路 見山坊 西柵橋取道崑山澗

莊在焉 至喜坊 西江下取客舟至喜之意 來遠坊 望亭橋北 安流坊 望江橋南

六坊在青龍鎮宋淳祐十一年蓋鎮官林鑑立今廢 寅賓寶成二坊 在縣治東西 保障

坊 縣治南 清隱故里坊 在縣坊南邑治即孝子顧文敏宅曾孫從禮捐助建縣石侯時命立

狀元解元坊 在儒學左右為張以誠呂克孝立 鄉進士坊 在邑治為李萱立 世

桂坊 在邑治為李寬李萱立 聯璧坊 在泰來橋為沈祿沈舉兄弟立 登第坊 泰來橋北

為龔淵立 雙進士坊 在富林市為曹時中曹泰 進士坊三 一在塘橋為富林北邱溪上為陳良珊

立一在泗涇為李儒立 鳴陽坊 在橫河浦上為諸弘濟立 登雲坊 在

坊 為瞿寔立 登瀛坊 為喬維翰立 繡衣坊二 為郁文博董綸立 少司空坊

為談倫立 尚寶太卿二坊 為沈瑜立 中大夫坊 為顧英立 應奎坊 為劉

今廢 繩武坊 為張牧立 風憲坊 為談詔立 春卿坊 為趙松立 銀臺納獻坊

為沈祿立 登庸坊二 為陳賓周翰立 解元坊 為陸深立 會魁坊 為郁侃立 掄秀

坊 為徐溥立 清憲坊 為劉深立 雙桂坊 為侯俊兄弟立 進士坊十一 其九

市為張毅周洪談詔姜浩王大用戴春沈恩唐錦徐南立其二在鄉為莫諲張龍立 育秀坊 為周昂立

今廢 畫錦坊二 一為吳敬立一為劉璵立 繡衣坊 為陳質立 尊善坊 為陳朴立 會

魁坊 為沈璠立 大方伯坊 為沈恩立 宮端坊 為陸深立 諫議坊 為奚良輔父欽

立 三世學士坊 為陸平陸璿陸深立 侍臣坊 為潘綸立 天官大夫坊 為張

立 都臺總憲坊 兩省尚書坊 為潘恩立 尚義坊 為戚

立 鶚翼

章立崇賢坊為顧英顧定御史大夫坊為潘恩祖賢科濟

美坊為潘恩潘忠文宗柱史坊為王旌表坊為山宗海

旌節坊為沈露妻問寺清卿坊為陳所三世二品坊為

艾可久立三世叅知坊為陳文祥陳北畿解元坊南

省文魁坊並為高洪謨絲綸典制坊為王國學宗坊為

錦孝裔忠貞坊在斜橋東為孝子盛坤貞節坊為顧可

氏立不在石光祿坊為張寵大京兆少司空二坊在沈莊

倫漸達坊為張杰從旌賢坊在沙岡為文葩坊在龍華

立登俊坊為張鳴六經啟秀進士世科三坊並在閔行

父子鴻臚坊為何廣立俗啟秀坊為顧鵬世顯坊為戴

寶為舉人青雲坊在五十保為舉俊士坊在七寶為舉

張齡立東平坊以下屬西清坊南安坊迎恩坊俱在衛城

樓肅憲振武東南保障三坊在衛城內察院即府前登

庸坊為陳鍾英毓秀二坊在衛都閫坊為西寧立○以

張公道昔張國英開道通際留倉學士里以顧文僖公

聚奎里以錢太史福崇厚里唐宗伯文獻張方岳安仁

里上海長生橋北同仁里潘錄事允諒清白里沈方伯

安橋世善里顧少卿從禮崇文里在縣通德里陳少卿

梅家鶴沙里在下敬秀里董宜陽居雙桂里在青浦富

衙北集僊街在南察黃沙街在谷右文街在南察東

副時中兄弟居

街竹竿

西街

超果

篠管街

在金山衛地產箭竹故名

四牌樓街

上海縣治

東三牌樓街

上海縣治西

新街

青浦縣治後

丘家灣

在亭橋北

田家灣

今名陸家巷

瞿家灣

以瞿太守名

竹竿匯

府西門外

宋家灣

在上海今名曲尺灣

杜家灣

本縣知縣杜鑑卒葬於此故名

四保匯

在鄉

施家匯

前志延慶寺地本施家瀆

舊志載朝宗谷陽二門于坊里內按朝宗在馬街東谷

陽卽接官亭今皆亡矣亦名陳焉爾

石條巷

去府六十步

倉橋巷

去府百步

堂子巷

郭門巷

去府一百七十步

包家巷

餘慶巷

在金家街東

錢家巷

至正中把截官錢袞立

青菓

巷 明星巷

義塚巷

起雲巷

垂虹巷

三里巷

鹽倉巷

去府二十步

廣明橋巷

去府四十步

前巷

去府六十步

後巷

東新巷

中新巷

西新巷

甲牌巷

亭橋巷

去府一百步

福順廟巷

東思鱸巷

去府五十步

快民巷

西思

鱸巷

二百六十步

莫家巷

六里井巷

新巷東東西如其里故名

錢家巷

在槐安坊西

澤潤巷

錢家街西

東清河巷

西清河巷

薛家巷

延恩巷

俗呼寺基街

石皮巷

黑魚巷後

坊後巷

通菜花涇

倪家巷

護

龍巷

竹木巷

去府二十步

廂巷

六十步

金山廟巷

七十步

城隍

廟巷

金盟素道院街也

石牌巷

紀家巷

偏東百步

毬場巷

百五十步

石幢巷

偏西百五十步

童家巷

百八十步

陸家巷

二百三十步

裏南城巷

百五十步

外南城巷

集賢坊北

瑤寶巷

羅家巷

在毬場南

竹籬茅舍

巷

在羅家巷南

穀市橋巷

通城隍廟

靈順行宮巷

裴家巷

崇孝坊北

隱僊巷 沙家橋南 陸十五郎巷 晉賢諸陸之族居此 中義巷 隱仙巷西 唐家

巷 中義相對 西義巷 中義西 高家巷 計家巷 大德中里人計肅居 蓮花

井巷 在唐家西關石似之故名 阜民巷 阮家巷 米市橋東通黃耳祠 吉麗巷

西通長生巷 長生巷 朱家巷 宋嘉祐以來朱氏居此 三壇廟巷 在普照寺

後俗呼草路裏 縣後巷 羅家巷 修學院巷 闊家巷 袁

家巷 柳家巷 在朱家巷西北柳氏自元豐以來科第聯名宦不絕巷以是名 北花

園巷 在北門外元衛宗武築園於此故以是名

新街巷 以下屬上海 康衢巷 並縣南 新路巷 縣西 薛巷 縣西 梅家

巷 縣東 青菓巷 俗呼菓于行 趙家巷 俗呼趙家嘴角 觀瀾亭巷

營街 在文政坊東以下屬華婁 陳孩兒街 金家街 蕭王太子街

馬街 鹽倉街 黃箬帽街 骨塔街 郁家街 茅

柴街 北倉東街 北倉西街 和尚街 昇平街

黑魚街 西塔街 總官堂街 包家街 河橋街 湖

橋西 紅墻街 姚家街 天倉街 范家街 護持街

康家街 以下屬上海 唐家街 東姚家街 西姚家街 新

街 東境 高家街 張家街 中心街 馬家街 濟農倉

街 西境 俞家街 顧家街 孫家街 南境 馬園街 葛家街

豸史街 北境 卜家街 中倉橋街 南倉橋街 西倉

橋街 在南關水次倉

寺後與寺橋俱林景賜重建黑橋思鱸巷北德風橋豐樂橋南月河橋與悅安相對

楊家橋月河橋東下行橋普照橋東即丁公橋吳曉橋縣南繆家橋縣西

三橋縣西新橋以上在西愛民橋即府會星橋 儒林橋

府學西北登瀛橋府南即今儒林橋玉帶橋 濯纓橋俱在府學後梯雲

橋府學後登雲橋府學東清河橋 司獄司橋宣公祠西鳳凰橋

清河開禧橋北錢家橋開禧南尼寺橋周公祠西孩兒橋輔

廟西合掌橋谷水坊內宋慶曆六年建沙家橋孩兒轉南同安橋沙家南舊名薄米篩

建置同安橋南徐家橋轉入縣學思樂橋縣學前太平橋縣學西南鄭家

橋 豐利橋並宋嘉祐八年建朝真橋資福東南利民橋正德六年重建龍

顯橋新城隍廟西香花橋興聖塔東北敕市橋一在崇溪書院東一在興聖塔

東今廢 望仙橋千戶所西迎仙橋望仙南陸家橋望仙南集仙橋長春

道院前 咸通橋南水關內淨土橋千戶所東張公道橋橋下久淤惠燈菴

橋織染局西南長生橋延慶寺東永福橋 慶和橋並延慶寺西富安

橋坐化菴東永樂橋俗呼西馬橋壽安橋俗呼東馬橋眾安橋

馬嗜寺後 丁公橋 富安橋宋建永安橋今名通濟一日通波衛知府建大吳

橋萬曆乙卯重建艾家橋宋咸淳中建妙明橋萬曆乙卯重建奚家橋本院東

瑞鹿橋奚家橋西今在平隴通津橋奚家北元至正中建居士橋

永樂十五年建滾龍橋在唐都憲坊東柳家橋以上在北

城外諸橋

弔橋四四門各一興順大平橋洪武三年間建通波塘橋 北市橋

公江府志

俗呼王行橋天

福民橋

即楊賣柴橋天順七年改建

壽安橋

洪武二年間建

孫家橋

集賢涇橋

元至正中建

普濟橋

山川壇東

通濟橋

計家行

安濟橋

同確坊橋

興福橋

舊名尼寺吳元年李子明建永樂中其孫德銘重建

民德橋

元至正間登山主建今俗呼登山主橋

衆安橋

元至正中建

米市塘橋

民德西俗呼小張涇至正中建

問龍橋

近雙廟僧慧菴募建

張涇橋

米市塘西元至正五年建

真境橋

龜蛇廟前

拱秀橋

真境西

吉麗橋

張涇西俗呼清水石橋

薛家橋

吉麗北跨薛家浜

長生橋

超果寺東南崇禎元年建

見遠橋

在超果寺前洪武中僧景祥建

瑁湖橋

超果寺東

張塔橋

一名衆安更名萬春

壽星橋

宋紹熙中建

朝宗橋

一名黑橋

明星橋

朝宗東

撥雲橋

明星東

廣濟橋

撥雲東

起雲橋

元至

正中建

推雲橋

同垂虹橋

一名雙板

朝陽橋

正統中建

清河橋

至正中建

慶陽橋

三里橋

去府如其里故名

林家橋

在三里橋西南跨泖涇太僕卿林景

賜建趨善橋

在三里東北

華陽橋

咸通橋

吊橋東跨南俞塘口

馭泗涇

橋明星橋

香花橋

東禪寺南

陳家橋

起雲南

醉仙橋

在三里汀錢學士第前成

化辛卯建朱應祥有記今俗名錢家橋

錢公橋

張塔橋北

錢婆橋

錢公橋北

俗呼東俞塘橋

中俞塘橋

西俞塘橋

一名永安

洞涇橋

西俞塘西

橋俗呼石

灰橋萬曆中顧正心重建

長壽橋

俗呼長橋

澤潤橋

長橋西

在接官亭西

包家橋

慶雲橋

俗呼陶行橋在西林寺前

秀野橋

跨沈

涇塘廣濟橋

秀野橋北俗呼大橋萬曆庚申邑侯章允儒重建

錢涇橋

包家西倉

橋天啓辛酉邑侯章允儒重修其南水次西倉

雲間第一橋

跨古浦塘上初名跨塘後名安

就宋建本石橋後易以木原復舊規成花園橋

第一橋

北花園

宋家橋

長壽橋北

谷陽橋

洪武二十六年陶英建萬曆初徐文貞公重修

蔣涇橋

慶雲橋西萬曆初年徐文貞公重修

秀南橋

蔣涇西秀野相望沈涇塘由此入秀野

坊後柵

黑魚巷北 采花涇橋

跨涇上

惠安橋

一名放生跨豆腐

吉陽

橋

在跨塘橋南自府治至此九里為雲間第一鋪岸東有渡

石湖橋

凡三洞下通南

廟以懋行人徐文貞公 五舍橋

在石湖橋南李塔滙西今圯

長壽橋

在李塔 減水橋

天順七年邑侯石

朱望鄭

及裕二子鳳鵬重修錢文通

公有記易名濟川徐文貞公重修今圯

斜塘橋

崇禎時邑人謝虬孫重修

乙酉兵變遂為 泖橋

徐文貞公重修

諸流涇橋

近北

里橋

在禮塔南

洙涇萬安橋

洪武初建弘治隆慶中重修崇禎八年郡守方岳貢

重修順治三年三月自北至今未建按是橋通浙直五孔道郵遞及行人往來把則往往病涉亟宜修舉

程子橋

聖堂橋

歸涇橋

古塘橋

以胥浦名跨仰灣陳村之間

以上四橋在

登龍橋

吳不顯建

還照橋

豐樂橋

褚公橋

景泰年褚文彬建

寺東亭橋

榮陽橋

廣寧橋

眾安橋

寺西亭橋

積善橋

洪武初周子明建末年王宗秀重建

福民橋

世澤

橋

俱吳太僕烟建

永昌橋

以上在四保

通濟橋

跨古

太平橋

以上在三保

界橋

一名北橋

流慶橋

潛鳳橋

通津橋

集福橋

鳳

升橋

登雲橋

濟川橋

北寺橋

里仁橋

以上在一保

風涇鎮

盤龍塘橋

跨塘東西洪武中建

馬橋

盤龍北五里

車墩橋

永樂八年建

顏車橋

同上

東長橋

西長橋

翁家橋

新村塘橋

舊墳橋

駟馬塘橋

外波涇橋

紫岡橋

新橋

以

上在三十六保永濟橋元至正二年王貴卿建泗涇橋萬曆中改創大石橋三新橋

界行南舊木橋成南盤龍橋洪武四年王道興建中盤龍橋萬曆

北盤龍橋洪武四年楊宗善建北洞涇橋洪武四年僧知常建高橋洪武四年蔡九

建四澤民橋即龍樹菴橋賣花橋 同子涇橋 南長安涇橋

北長安涇橋 姚公橋 磚橋 徐家石橋 唐家

洪橋 尹山涇橋 東蒲埭塘橋 西蒲塔塘橋 積

家橋○已上在太平橋洪武中咸通橋元至正中建

源橋至正中建成化月河橋至正甲午蔡興隆橋永樂

成化十三濟眾橋洪武二十三年建咸通張巷橋至

甲午胡店橋洪武三年新興橋跨祝家港要路舊有橋圯

朱琛重建南橋跨橫瀝鎮積善橋至元中建洪武餘

慶橋至正中三里橋至正中蔡新塘橋亦名通津宋丙

在南永豐橋元大德中建洪武竹岡橋永樂初沈沙岡

橋鎮永樂二年興隆橋一名陸店永樂十白橋至正間翁

望湖涇橋永樂九年紅橋永樂十年王聰重建安寧橋

至正安榮橋同干步涇橋永樂中徐三保橋金素菴重

俱在三顧窰橋又名劉公橋洪武已酉劉茂郭家塘橋

十六保盛家橋洪武十一年香花橋永樂九年廟涇

洪武初年顧坊橋俱永樂五年舊鹽倉橋洪武百曲港橋永

徐復初建王克賓橋洪武中建金滙橋洪武十紅橋洪武

誠重建初葛彥王克賓橋洪武中建金滙橋洪武十紅橋洪武

橋梁

太平橋

洪武中楊澤民建

衆安橋

洪武中年呂華甫建

盛家橋

至正中姚公

橋

至正中拱際橋

至正中年僧本生建

本際橋

同楊店橋

洪武二年

建市橋

在青村鎮洪武二年建

高橋

同上永樂六年陳宜建

何家橋

頭橋

萬曆中里人

二橋

三橋

以上俱在十五保

打鐵橋

跨小官南

米市橋

黃耳祠西永樂八年建

長工橋

黃耳祠南至正間阮秀普

光橋

舊曰妙明洪武五年僧浩虛建

洋涇橋

以上在四十保

花橋

下橫涇橋

招賢涇橋

汰華橋

跨下胡家橋

上橫涇

李匠橋

跨沙穎川橋

洪武十六年太倉陳指揮建

莫蘇橋

洪武六年

建

以上在

鄉心橋

洪武

三登橋

石晉開運三年建

沈湖涇橋

賀麟橋

在賀麟涇成化元年里人沈瑗建

里仁橋

在曲村里人吳寬建俗呼洞橋

上在九保

安豐橋

在柘林鎮里人何孝建

高蔣涇橋

通濟橋

永樂初僧永壽

建後曹泰重建

前岡橋

干巷橋

濟民橋

崇福橋

益壽

橋

三橋皆正德丙寅年里人曹麟建

惠高橋

在楊巷至正守里人邵氏建

德橋

邵氏建柯山沈幹有記

處士橋

同斜涇橋

璜溪橋

已上並保

普濟橋

即五里塘橋洪武四年金廷用建

種福橋

洪武初年僧普實建

練家浜橋

至正五年夏玉成建

黃家浜橋

同大塢浜橋

至正七年夏玉成建

浦家浜橋

同衆福橋

俱洪武四年金廷用建

衆安橋

小洞涇橋

洪武十三年建

上在三

滋胤橋

在十保八畝小徐家涇錢元泰建

阜民橋

俗呼縣橋

海在城

撫安橋

即東篁笠橋嘉靖初年顧從禮重建

望雲橋

俗呼靈濟橋

即西篁笠橋

今俗呼魚行橋嘉靖初唐錦重建

登雲橋

登雲坊

莊家橋

穿心河

橋 曹家橋 ○以上並肇嘉浜 葛家橋 益慶橋 長生橋 二橋

俱正德間陸文裕公重建 館驛橋 陳士安橋 東馬橋 西馬橋

○已上方浜 福祐橋 俗呼黑橋 香花橋 南香花橋 侯家浜橋

並侯家浜 永興橋 化龍橋 永興橋西 廣濟橋 俗呼陳橋桶橋 繡鞋橋

大通橋 半段涇上並薛家浜 薛家橋 關水橋 在縣橋南 中心河橋 在登

雲橋西南 弔橋 六門各一○以下上海城外諸橋 沙家橋 周涇橋 陳家

橋 南倉橋 中倉橋 東倉橋 西倉橋 薛家浜

橋 內郎家橋 外郎家橋 學士橋 在浦口陸文裕公建工極壯麗

為浦上大觀第一橋 韓家橋 承恩橋 在晏公廟右 羊皮橋 井亭橋

斜橋 舊木今易以石 三里橋 五里橋 草堂橋 二橋俱嘉靖年間光

祿卿顧從禮建 百步橋 在龍華橋東跨百步塘上萬曆乙卯里人張氏創眾易以石 鄭家橋

玄雁橋 龍華閘橋 新江橋 聽鶯橋 清河橋

在烏泥涇又名長橋 上澳橋 翼龍橋 跨張家浜口 華涇橋 ○以上在

石灰橋 顧九錫重修 太平橋 莘橋 虹橋 小馬橋 大

馬橋 金巷橋 ○以上十七保 鳴鶴橋 俗呼北橋 明心橋 沙岡

橋 六磊塘橋 ○以上十八保 黃土新橋 橋跨浦口 華伯橋 唐子

涇橋 陸道浜橋 鸞竇湖橋 跨新涇浦上蔣性中建 車溝橋 ○以

上二十 月河橋 竹岡橋 夾溝橋 橫涇橋 在新涇浦口

小母子橋 蘆溝橋 斜涇橋 何涇橋 俞塘橋 俱漕橋 一作 新河橋 語兒涇橋 孝思橋 日新橋

廟涇橋

○以上在十六保俱黃浦西

海神廟橋

百曲塘橋

大

浦亭橋

在大浦涇

杜浦橋

都臺浦橋

沙塗橋

楊港橋

廣福橋

時安橋

馮蝦瀝橋

護塘橋

周浦塘

張勝橋

仰太師橋

○以上在十七保

朱千四橋

周八

舖橋

鄭公橋

封家橋

綠野橋

晏公祠前

眾安橋

下沙場鹽

前通利橋

受恩橋

思恩橋

仗義橋

義濟橋

義和橋

義順橋

廣濟橋

向觀橋

永寧橋

史

安橋

月鹵橋

六里橋

飛雲橋

會龍橋

打鐵

橋

已上四橋俱倪淑建

東墅橋

下卽運鹽河

菱涇橋

開港橋

鹹塘

橋

沈莊塘橋

運鹽河橋

運司橋

鹽鐵塘橋

楊麻灘橋

井亭橋

揚輝橋

玉皇閣橋

連賓橋

朱家橋

北蔡南○以上十九保新塲下沙南鎮之境

二陽橋

四眼橋

蔣浜橋

張浜橋

○已上二十保

裕伯題橋

今訛俞伯奇橋

梧桐橋

○已

上東二保十一保

楊涇橋

薛龍橋

三林塘橋

歸漚涇橋

中汾涇橋

高橋

楊思橋

六里橋

○已上二十四保俱浦以東諸

橋

宋家橋 當黃浦吳淞會合處潮勢湍悍橋木易敗土人欲擅渡利潛加摧毀往來憾之

吳淞

江橋

俗呼闕橋成化弘治隆慶間知縣劉苑郭經張嶺俱嘗修建波面廣濶潮勢奔湧每建費輒數百金

不數年復壞濟者艱之

盧子浦橋

曹家橋

在吳淞橋西土人亦欲擅渡利幸橋速毀

與前二橋等

春星橋

南新橋

○以上二十三保并二十七保

三涇橋

劉

涇橋

林馬橋

橫清橋

太平橋

長行橋

虹橋

新橋

王家橋

漁浦橋

魏莊橋

許浦

橋 雙涇橋

新涇橋

華漕橋

王湖

橋 陳思橋

眾涇橋

三澗橋

柵橋

永寧

橋 在黃家灣西跨運鹽河

弘治間里人黃越建

阜民橋

卽縣橋○以下

登

瀛橋 在儒學東

種秀橋

俞家橋

楊家橋

壽安橋

橋 梅家

生春橋

大通橋

唐行倉橋

魚

行橋 俱在小南門內

山市橋

生春橋南立見九

千僧橋

棣

華橋 千僧東南

普安橋

昇真橋

山市西北大

永豐橋

西橋 普安西

西虹橋

東虹橋

二橋相望在北曹江上

小趙屯橋

南小趙屯口

利濟橋

利濟巷西縣南俗呼黑橋石改為木

永安橋

俗呼柘澤橋

橋 縣西

金家橋

飲賓吳

壽寧菴橋

縣東橫柳上唐昱建

春橋 吊橋

五門各一○以下

化龍橋

渡香橋

在

門外 七星橋

界涇橋

太平倉橋

俱在北門外

廣利橋

在廟上 廣濟橋

卽中亭橋在通波塘上

廣潤橋

卽西亭橋

阜通橋

一名通澤一名

飛雲橋

在柘澤塘上

普安橋

滑石橋

通波塘上 慶安橋

在通波塘上

望江橋

在二聖廟北

香花橋

在陳涇口隆福寺前又名迎恩

板橋

又名眾安至

太平橋

在西江上

在通波塘上太傅廟前至正十一年建

吉利橋

又名金獅子橋

真靜橋

真

菴前諸從禮建

長生橋

在隆福寺東

關橋

在通波塘上

柵橋 在通波塘上

西柵橋

在西江上

上達橋

南柵橋南

高視橋

在顧會浦上

萬柳橋

在鎮東一里

中正橋

四

遠橋

養蠶浦橋

太平橋南

駝峯橋

在駝墩下

林家橋

在隆福寺東南

邨家橋

在隆福寺東南天啓五年重建更名秀龍橋

塔橋

孩兒橋

在隆福寺南

名度僧橋元至正間建

酒瓶橋

便民橋

在通波塘上通惠寺南

綠埜橋

在

生橋

鎮家橋

在鎮治南

皇華橋

在皇華浜

小關橋

在合浦上

慶源

橋

在通波塘上

阜民橋

具足橋

俱在東江上

見山橋

艾邗橋

淮

以浦得名

永興橋

在猛將廟前

趙浦橋

會龍橋

在通波塘上今名王家橋

淮

浦橋

梁武塘橋

在一區淮浦上相傳梁武帝至此

朱墅浦橋

在西區

真

武廟橋

青龍江橋

以上青龍舊治諸橋在四十五保

惠民橋

在城北諸乘禮

建海門橋

在城北諸從禮建

廣濟橋

俗呼三里橋諸奎建

西浦橋

即青龍賦中所

謂幽靜之西浦橋跨其上

七滙橋

秋末涇橋

松宅橋

以下三橋嘉靖庚申

年里人願從禮重建

橫泖橋

太平橋

橫泖西今廢以上縣東四十六保

白鶴江

橋

西霞浦橋

須溝橋

盧浦橋

趙屯橋

會仙

橋

梁紇橋

南泖橋

以上在四十九保

大盈橋

元至正初里人章元澤建

杜村橋

大盈橋南

壽安橋

杜村橋南俗呼梅村橋亦廢

界涇橋

孔涇橋

管浦橋

東施浦橋

以上四十七保

望湖涇橋

三界嘴

橋

諸從禮建

孔宅涇橋

李墟涇橋

古塘橋

新河橋

八字橋

小趙屯浦中路望湖涇口二橋如八字

泰來橋

利濟西

龍河橋

泰來西大

石環洞跨龍河上弘治間建

龍菴橋

琴村浜橋

泰來橋北曹氏建

放生橋

在朱家角跨曹港萬曆間僧性潮建

何家橋

澱山東○已上五十保

淞溪橋

在縣東顧九錫

建 綠葭浜橋 舊江橋○以上三保 上潺橋 赤眼浦橋

華潮浦橋 甄窰涇橋 嵩塘橋 平浦橋嵩塘南跨北平

浦上烏塘橋北 李浦橋中 壽升橋 石溜漚橋石支一名

烏塘橋 楊家莊橋○以上三保 羅木橋 盤龍塘橋 張涇

塘橋席端樊端攀建 斡山橋即德濟橋宋建石梁四十六之一 小來浦橋○以上

十四保 蒲滙塘橋正德中里人徐壽張勳建在七寶鎮 新溝橋 徐家庄橋

和尚浜橋 東黃泥涇橋 朱真橋 朱家浜橋

馬婆浜橋 西黃泥涇橋 橫涇橋 新漕涇橋已上

皆里人徐壽建在蒲滙塘北岸以通泗涇壽之子孫三代科甲 朱坊橋一名長養永樂五年重建 普

安橋一名順濟永樂十年重建 陳巷橋洪武十五年范資建 素名橋元至正三年張士彪

建 丁家橋元丁茂卿建 橫塘橋在龍歸菴○已 金四官橋盤

北 福聖橋斡山 富安橋北 廣福橋富安橋北俗呼夾店橋○以上四十

四保 素履橋在小蒸鎮 利涉橋亦在小蒸元曆中里人曹知白建○已上四十三保 普濟

橋宋咸淳元年建 迎祥橋元至中 如意橋元至中 石星橋 廟灣橋

至元 寺西橋 西歸橋元至中 東歸橋 吉慶橋 放生

橋 為美橋 安樂橋 香花橋俱在金澤鎮 集賢橋以地名

延壽橋至正中 佛閣亭橋至正中僧基古田建 里仁亭橋元至中 萬安

中重建 今廢 廟南觀音堂橋 天王閣橋堂閣皆據橋祠所像為名

亭橋 百婆橋即里澤橋在澱山寺東至元五年建 永安橋 龍河橋

龍淵橋三橋俱席端樊端攀同建 長工橋 福嚴橋雲隱菴東成化初僧戒昂里人

嚴福見遠橋 谷陽橋 虞鳳橋 瓢湖便民橋 上○巳

十二仙雲橋 小橫山西又名會雲橋 洪武二十五年建 衆安橋

洪武二十八年建 永春橋 永樂八年重建 ○太平橋 洪武三十年余華

浦長安橋 俗呼崧塘永樂五年 永壽橋 永樂六年 楊家橋 洪

十三年建 集賢橋 在富林鎮東 祥澤橋 俗呼塘橋至正初僧

相傳有魯般遺斧在石縫間今廢按橋在塘橋鎮東北

通上海嘉定西北通青浦崑山最爲要道里人陸乾修

朱雀橋 塘橋 躡虹橋 洪武九年 甘露橋 卽鍾賈山登雲

募素雲橋 里人陳鳳凰橋 跨顧會浦西接鳳凰山尾因

修錦溪橋 鳳凰山東至正張涇橋 長生橋 祥澤之北永

守真德潤橋 鳳凰山 急水橋 慶豐橋 天聖橋北跨潘蕩

建陳坊橋 慶豐東○以演龍橋 在蟠龍塘 香花橋 元大

七寶寺僧信建周涇橋 僧慧解 附渡

橫潦涇渡 黃耳祠渡 金家渡 在府 沈捨渡 吉陽

滙渡 米市塘渡 斜塘渡 馮家渡 彭家渡 葉

謝渡 俱漕渡 橫涇渡 在閔 何家渡 在鸞寶 烏泥涇

渡 在鶴 王家渡 烏泥 鄒家渡 王家 蟹淩渡 在上海 高昌

渡 在陸家 南昌渡 北倉渡 在薛家 肇家浜渡 上海 洋

涇渡 白渡 在肇家渡西上海顧陸諸 宋家港渡 車

溝渡 高昌下六渡嘉靖二年 南踰渡 在南踰 杻樹渡 在

知縣鄭洛書所設官渡 橋梁

水河下海渡

在減水河東北

蘆溝渡

在減水河西

減水河渡

在吳淞江巡檢

新涇渡

在新涇口已上俱舊渡名在吳淞江上

曹家渡

石家渡

並新涇北

楊涇渡

范家渡

附堰閘

將軍堰

晉左將軍袁崧所築因名

竹岡堰

沙岡堰

吳淞江閘

新涇木閘

潘家浜石閘

烏泥涇石閘

以上諸閘今俱廢

薛

家浜石閘

在小南門外萬曆三年知縣敖選築

龍華石閘

在龍華江內萬曆年間知縣劉

一曠用徐宗伯光啓議築陳太僕所蘊有記今廢

日赤港石閘

在西城外六里許萬曆十二年

本府通判鄒志學知縣顏洪範築

按舊志有華亭三十六堰今改築護塘不載

鎮市

亭林

在十保去府東南三十六里原名顧亭林梁顧野王故居在焉鎮之寶雲寺是也有讀書堆東菴烽堆樓

基諸蹟舊置金山巡司於此

貝瓊亭林詩野王讀書處一曲鎖風煙客記蕭梁日僧談石晉年黃金曾布地

滄海復成田遺構丹青落回頭一惘然又出亭林道樓臺尚自疑無邊春草色不定野雲姿未就龐公隱空

懷惠遠期飄飄何所適重擬結茆茨

張涇堰

一名張溪在七保去華亭南五十里宋人堰海十人所之一鎮故有嶽祠重嚴華好居人楊竹西有

不碍雲山樓今皆廢有吳王著姓居此俗止稱張堰蓋自府之金山孔道也

葉謝

在八保以二姓居此得名居民稠密商賈輻輳舊有稅課局今廢鎮西近建木梁橫亘浦尾有水月菴真

武閣舊志載咸通月河咸源濟衆興隆等五橋皆在鎮云顧祿葉謝道中詩月落雞鳴酒半消舟人催起趁

春潮梅花紙帳山房靜輪與閒僧睡日高

沙岡

在三十六保卽古三岡之一去竹岡紫岡相去五里府道上海經焉通志云入土數尺皆螺蚌殼世傳海中湧三浪而成今市北數里下皆黃沙鄉人甃砌咸須之

南橋

一名南梁在十三保直北有橋傍橫涇與此相峙故名北橋亦古鎮也有大岡路直達二橋長四十餘里中阻黃浦亦嘗構梁卽鄉人譌爲黃土橋者宋詩人陳藏一常隱於斯境之幽勝有明竹院冠其前蕭塘寺屏其後

蕭塘

一名蕭溪鎮有崇福寺衛文節涇之故居也自昔繁富宋瑛宋璞兄弟相繼登科近陳袁兩姓居之名益著云陶九成蕭塘寺詩不到蕭塘寺流光十五碁岸傾街發裂寺廢梵幢欹第宅留荒址垣墉易敗籬相知無一在遺蹟動傷悲袁海叟蕭塘偕王叔明王元吉錢伯雲張夢辰金彥振元夕觀燈詩七人四百九十歲吳家堂上看花燈皓首龐眉方滿座金盆玉碗出清冰三寸黃柑渾似蜜百壺春酒況如澁今日相逢總知己老夫歡喜欲飛騰

莊家行

莘莊

在十三保瑁湖涇東南橋塘西居民繁稠布縷克斤耕讀相半頗稱饒樂鎮人莊姓聚族於斯故名莘莊一名莘溪在三十六保北隣七保南近烏泥涇鎮其地產花少稻本瘠土也民居數千指多詩書絃誦之家居然稱鎮有春申施水二菴皆古蹟元葉李夢得之孫贅居莘溪子孫家焉永樂初縣令葉宗行治水有功所謂錢塘一葉清者卽其後也朱尚書恩自其祖徙居於此遂稱仕族司成大詔憲副本洽太史積其裔也俞世美贅於周布政可竹亦家於此自號叶竹卽奉祀周墓墓在鎮後俞氏有發科第者墓上必產異草如芝柘林在十二保去縣東南七十二里地連柘山鎮有方廣院蔡侍郎祠在焉右距戚睦涇曹涇爲海人輻輳之處何元朗叔皮兄弟讀書于此有傲園今廢

青村

一名青林在十五保舊志村作墩踰南十五里岸海卽青村塲北負橫溪里洪武十九年築立中前千戶所以禦海寇城中半屬軍籍而士風最盛科名不絕更多隱君子焉

陶宅鎮

有著姓陶氏家焉故名袁海叟有兵後大醉陶與權宅詩卽此也設有巡檢司稅課局鎮有純陽菴

陶與權建正統間俞夢梅重新後又改為土穀祠元末有楊漁溪李稼翁華雲林姚愚默寓隱於此賦陶宅八

景 西河晚色 南園霽景 道院幽棲 市巷漁燈 東菴華表 北宅故墟 鎮樓更鼓 玄橋縱步

風涇 在一保以鄉名一名白牛塘以陳舜俞名古於此置風涇驛市南半屬嘉興順治年間於東柵築堰鎮士

科名頓興商賈駢集增厦數千間貝瓊清江集云風涇多荷花周廻三里橋梁凡九彷彿有錢塘西湖之勝自

此至北錢皆屬婁縣 瞿佑過風涇詩雨餘新綠漲橫塘紅板橋邊矮粉牆知是清明時節到鞦韆一架倚垂

楊 金景西懷風涇詩白牛塘上酒旗中南北長橋臥綠虹烟寺曉鐘蕉葉雨水晴樓檻落花風衣冠文物聲

名藹舟楫魚鹽利澤通東望雲 間酬二陸舉杯南向酌宣公

朱涇 一稱珠溪在四保胥浦鄉之里古於此置大盈務中於此也南遵水道海鹽北

由李塏滙而登縣今屬婁 應奎文會招來儒彥子恂從學楊維禎有鉄研齋記

呂巷 一名璜溪在四保謝氏安節亭在焉元時呂良佐創

地以呂名後改吳姓別駕不顯太僕卿炯其裔也有太平寺松風閣玉秀橋心庵云皆宋時建近姚氏建法明

庵於此頗華整 袁海叟寓居璜溪詩高林深樹氣冥冥野色波光更滿汀草閣雨晴鳴翡翠花畦風暖入蜻

蜓書成已與山公絕賦就惟教阿買聽猶未忘情是杯酒尚煩隣里致盆瓶 貝瓊出璜溪詩白首事章句不

登金馬門空名苦爲累遂枉三聘煩一瓢雖屢空五鼎非所存願借田父遊卜宅溪南村霜寒收柿栗日暮散

雞豚去矣從吾 好得與巢許論

楊巷 本市也與呂巷朱涇鱗次 鼎分此稍僻云在五保

興塢 在二保去柳橋十里舊有興塔院 故名諺云興塔無塔卽其地也

泗涇 一名泗濱在三十七保因泗涇塘故名元時里人孫道明有水光山色舟自號亭雲子陶宗儀南村草堂

在焉隱居於此故稱泗濱老人袁海叟望南村卽此地也今民居聚商賈集有小武當香火頗盛 袁海叟望

南村詩野水縱橫不計深雜花前後自成園魚鰕欲上人人取鳥鵲歸來處處喧但得茆茨容老大卽將耕鑿

鎮市

松江府志 卷之十一 三十一

付兒孫淮南未定江南亂潦倒無歸却斷竟

北錢

在四十一保石湖塘上與南錢相望蓋一姓分處為市也宋末元兵入華亭南北錢猶保聚不下將軍楊

掃地怒欲屠之賴義士殷澄得免澄後自號浪翁楊鐵崖撰其碑今其地有萬孝子墓孝子名備篤行精醫理

祥澤

俗名塘橋張氏世居於此蓋自宋元迄今為獨久云

吳會鎮

在十六保去上海東南五十四里本吳滙以指吳會於雲間語易今各市置巡司曰鄒城有塔廟即

烏泥涇

在二十六保界華上兩縣間嘗有田父得古碑地各賓賢里通志云宋季張百五居之富埒侯伯至元間張瑄以海漕隆顯治第其中後又有張有錢居之

邑之倉廩且貯於茲以故人民盛于他鎮迄今所存惟巡稅二司南北兩關稅名蘆子者地近滬瀆俗所謂蘆子城也王逢避地隱居於此得張氏故址闢為最間園

下砂

在十九保去上海東南六十里一名鶴沙俗傳縣居上洋鎮峙南而近海故名舊有鹽課司後遷新場而鹽倉則自周浦徙居之今亦廢宋丞相吳潛侍父讀書處鎮多巧工精刺繡稱下砂繡云時有鶴自海外飛至方頂綠足龜文相傳此胎禽也華亭鶴即此今皆絕響惟王氏為著姓

新場

距下砂九里一名石筍里一名南下沙元時遷鹽場於此故又有今名場賦為兩浙最是時北橋稅司杜浦巡司皆徙于此歌樓酒肆賈術繁華縣未過也宋元祐初里士瞿時彥嘗訪吳潛讀書處營置義學今廢其地科名不絕甲於一郡

周浦

在十七保去縣東南三十六里一名杜浦元置下沙鹽場杜浦巡司于此後逐利而遷阻海之三甲五甲相挺為暴招撫乃定今遺風猶有存者通志云宋詩

龍華

在二十六保上海縣西南十八里以龍華古刹著名五代錢鏐王時建漕河涇環其南蒲漚塘抱其北居

黃浦大灣中西行里許張氏
居之世有聞人族稱龍華張

三林塘

在二十四保去上海縣東南十八里昔東西塘有
大姓林聚族于此故名其南隅有筠溪義塾所產

布獨勝
於他鄉

一團

距新場二十里
鹽商多聚於此

八團

在十七保去縣五十四里民居率多鹽丁鹽商輻輳
逐末者多歸之市有三場鹽司今為川沙堡里人喬
鐘與王潭建議築城以備
海寇兩家皆受活人之報

北橋

在十八保與莘莊
相接地多產木棉

閔行

在十六保橫瀝東濱於大浦在上海西南乃南滙陶
宅諸處由浦入府之通衢正德己卯庚辰大水橫瀝
沙竹二岡田獨稔災鄉
多從貿易市始知名

北蔡

在二十保舊有大姓蔡者分
南北市如華亭之南北錢云

諸翟巷

在三十保俗
呼諸地上

鶴坡市

在二十
一保

東溝市

在二十二保
今存數廛

高家行市

在二十
二保

陳家行市

在十
九保

唐行鎮

古稱橫溪以其岸橫泖也在五十保控澱湖為吳
門要衝昔有大姓唐氏居此商販竹木遂成大市

萬曆元年置青浦治於此○以下屬青浦縣 夏原吉
夜泊詩雲間西北唐行鎮夜半經過月滿船三百青蚨

欲沽酒恐驚雞犬惱人眠 徐文貞公橫溪詩橫溪東
去水迢迢虛閣重簷共寂寥山外夕陽低度鳥雨餘春

渚暗通潮寒空落葉書聲靜秋浦孤帆客
寥寥欲徙西湖湖上石為君乘月更吹簫

小蒸

在四十一保其西十里有漢濮陽王墓甚高大不生
螻蟻相傳築墓時蒸土為之故名大蒸有小墓亦然

名小蒸地挹九峯三泖之勝居此者多文人韻士因美其名為貞溪國初邵桂子娶于曹世居于此元時曹雲西園亭最盛今花石猶有存者有顏氏井井旁以淳化閣帖石斲之今尚存 邵亨貞貞溪初夏詩雨後林深竹筍肥渡頭風急柳花飛柴門不掩綠陰靜人在閒窗試苧衣

青龍

一稱龍江孫權造青龍戰艦于此故名唐因控江連海置鎮防禦宋政和間改曰通惠後復舊名設監鎮理財鎮有學有倉水陸巡司茶場酒務為海船輻輳之地人號小杭州蓋稱雄鎮云自韓世忠屯兵於先陳友諒率苗軍平吳於後勝槩什不存一已而市舶之區徙於太倉此地遂鞠為茂草矣潮淤水涸民業漸哀嘉靖初嘗建縣於此不久尋廢今則有隆福寺宗風甲于天下

鳳山鎮

在二十八保鳳凰山濱溪而聚昔張瑄通顯經始敏公墓元時篁木茂美為郡人春遊之地 陶九成過錦溪橋詩錦溪橋下水平溪楊柳條長拂岸齊叅政寶坊歸幻劫右丞先壟可悲悽漁船桂棹震震短酒店茆簷處處低市井荒涼風景異老鴉啼過亂雲西

北七寶

在十五保左為橫瀝前臨蒲漚塘商賈必由之地舊有南北二寺皆稱七寶此居其北故名舊志云居民繁庶文儒輩出蓋邑之巨鎮也昔屬華亭今以蒲漚塘為界北隸青浦

金澤

在四十二保地接泖河稽人獲澤如金因名有巡司防鹽盜出沒以鎮當浙直之交也寺曰願浩溪上輿梁飛亭列肆他鎮所無舊居林青有義塾今廢 王桓宿金澤亭橋詩湖西風景好亭榭負垂虹瀟灑秋烟外玲瓏夕照中淵靈營別室水族構離宮夜泊聞歌詠凭欄有醉翁 唐順之留宿金澤詩澄湖昨夜雨初霽驟覺風衫寒意多遠浦草青歸送鴈夕陽潮上坐微波戲窺佛偈翻金字靜臥巖扉掩綠蘿伊人只在蒹葭外獨對清尊 柰爾何

廣富林

在三十八保後帶九峯前迤平疇仕族曹氏家焉陸潤玉十景詩 富林春曉 旭日始啓旦鳥聲出烟蘿草堂檢春事花落風檐多 村莊雨霽 錦鳩鳴樹頭一雨茆簷過東菑曉扶犁耕却沙烟破 九峰環翠 層峰勢縈紆中有讀書舍芙蓉濕烟嵐簾櫳翠光瀉 八曲潮生 風驅海門潮晴添入灣漲老漁

棹歌回籬根繫吳榜 三泖回瀾 赴海既湯湯回流

復渺渺雨晴風力微 文漪碧於草 綠沙農本 厥土

惟膏腴樹藝實藉此用 貽子與孫黍稷恒茂止 松林

龍蛻 老松森成林烟霏滃晴翠根抱茯苓香蜿蜒託

遺蛻 橫浦歸帆 歸舟沂黃浦日落風更急點點十

幅蒲半帶荒烟濕 客舟夜泊 巨舸銜帆檣入港月

已白此夜泊誰家村南隱君宅 溪橋曉市 石

梁雙跨溪虹影倒涵水斜月未墮山烟中市聲起

朱家角 在五十保商賈聚聚貿易花布

泰來橋 在唐行南鹹魚港上自宋元來人烟闐闐甲族曹

澱洞高見柳塔市中飛梁對 峙有東西菴院界於其間

盤龍 在三四保地瀕淞江續吳郡圖經吳淞江有盤龍

逾四十里勢如其名即宋 葉清臣疏渠以洩水處

趙屯 在四十九保趙屯浦上舊有巡司今華仙人王可交

沈巷 在四十三保南通長泖北 通朱家角鎮有魚蝦之美

劉夏 在三十 八保

北簞山鎮 在四十四保簞山西 西至淞澤南界華亭

郊店 在四十 四保

腫魁 在四十 五保

艾祁 在四十五保此地 所產羊耳多兩環

古塘橋 在五十 十保

金家橋鎮 在四十 九保

楊扇 在四十 二保

黃渡

在三十保去縣四十五里臨吳淞江之上北岸即屬嘉定俗為新街近來商販頗盛

章練塘

在泖西鎮有劉姓善釀酒頗為時所尚

楊林市

在北亭鄉三十保吳淞江北

天興莊

在二十八保潘蕩之西東通柘溪塘西通諸家塘係小鎮

雙塔

在四十二保因商人往來蘇松適中之地至夕任此停榻故名商榻鎮民多駕船為生又名雙塔船

王巷

在四十二保去縣四十五里與雙塔四面湖蕩曠野盜常不測因民居多姓王故名

崧宅市

在四十六保唐行東南青龍盛時賦稱章廟高捨懸颺崧宅親臣巨室隣燭輝赫今皆蕭條惟此市

塵日關商販交通耳陸文裕公深崧宅辯略松宅非崧宅也予嘗遊焉九峯聯絡其前吳淞橫亘其北襟以橫泖帶以大盈地窪而土泖實松江之下流蓋一澤也自阜隆然相傳為晉袁崧宅遂以名予退而讀晉史隆安四年崧以吳國內史來築滬瀆壘明年孫恩陷滬瀆崧遇害史不列之死事之傳蓋諱之也於袁環傳中題

曰山松且二其名以識史家之深意不然豈山松者又一人耶或曰崧之後就居於此故名夫晉宋六代避諱特甚焉有子孫居其地而敢以祖父名之乎是又非也故凡言松者若松子之類皆因于松以名非附名於崧也然則機雲以名山者亦盡非與曰是殆其鄉人之志而非陸氏後人之所為也夫機雲之死並非正命文章名世實惟鄉榮况陸氏于吳累世將相功德甚深惜才懷惠之人眷眷於山川桑梓者情也亦實也若崧者上豈得與諸陸伍下豈得與二俊班耶故曰松宅非崧宅也舊本名崧澤耳故今其地水屢為災周文襄公嘗欲經理之予蓋聞諸故老云

白鶴江市


一名新市在四十六保

杜村市

在海隅鄉四十七保

杜家角

在五十保栗村洪西南



松江府志卷之十七

終

文政書庫

鎮市

林林邑 四十六條

白鶴五市 一香德通市



開南新志云
 於縣里之十益
 守其書本各密默在斯今其
 士豈與典商謂道不豈與二
 木理惠之人春春茂山川乘
 章奇世實非疎樂與謂天守
 志而表國凡與人之河為也
 將也然順對與以名山春亦
 始其言然香香然手思之歐
 一其人耶也日麻之發於其
 日山然也二其於也其與家
 之流其平也其也其也其也

